

Hua Uma Carta Huantu Catzóknih Hebreos

Cumu judíos ná talitapacuhuiy hebreos huatiyá máx huantí calakmacáncalh eé carta, mäsqui ni catzicán tícu luu tzokli. Huantí tzokma umá carta xcatzinít pi lhuhua umäkolh hebreos huantí xtalipahuanít Cristo aya xtaakxtekmakamputún xtacanajlatcán laquí niaj huij nahuán huantú xpápacata nacaliputzastalacán. Ca límäkalhchu-huiniy camauxcaniy pi chunatiyá akstítum catalipáhualh Cristo mäsqui lhuhua huantú cacalakchi talipuhuán xahua tapatín chuná cumu lá tati-patinít amäkolh xalakmakán xlitalakapasnicán huantí Dios xcalacsacnít.

Cumu xlacán xtamacpuhuán niaj luu xtacanajlay para amá Cristo huantí xtalipahuanít xlícaña xkalhiy litlilhueke xlacata nacamaktayay nac xtapatincán, xlá camaulokniy pi ni chuná qui-taxtuy, porque amá huantí xtalipahuanít ątzinú lhuhua xkalhiy xlitlilhueke chu lanca xlacatzúcut ni xachuná cumu lá huantú takalhiy xlihuák lactalipáhu lacchixcuhuín o ángeles.

Amäkolh judíos xtakalhiy lhuhua xamakán xlitalakapasnicán huantí xlícaña laclanca y lactalipáhu lacchixcuhuín xtahuanít, pero xlá lacatancs mäsiyuy pi Cristo ątzinú lanca xlacatzúcut y niti macataxtuca nac caqUILhtamacú, y ná stalanca limäsiyuy nac xlatamatcán profetas, ángeles, nac

xlatamatcán ämäkolh xamakán lactalipahu lac-chixcuhuín cumu lą Moisés, Josué, ämäkolh lac-lanca xanapuxcún cura huantí xamakán quilhta-macú xtalamánah y Dios xcamaxquinít xamakán xtalacaxlán, lata pulacatunu huantü lichuhuinán umá carta stalanca huan pí Cristo ątzinú lanca xlacatzúcut ni xachuná lata tícu xtati-latamañit, porque xlá xlícaná pí huá Xkahuasa Dios.

Nachuna litum litaxtuy xpälacata ämäkolh takalhín huantü xtamakniy xcurajcán judíos cata cata y xlílakachixcuhuinancán xkalhni nac xlacatín Dios, para xcalimacuaniy cristianos xcalixa-canícan xtaläkalhincán umá xkalhnicán takalhín, pus xalihuacá xkalhni Cristo. Porque acxni Cristo nilh nac cruz niaj xlacasquinca xuanit pí cata cata nastajmakanicán xkalhni tantum takalhín laqui chuná xokonuncanit nahuán xtaläkalhincán cristianos, porque acxni Cristo maktum tú tamacamástalh laqui namaknícán, ämá xkalhni huantü stajmákalh litáxtulh nac xlacatín Dios cumu lą aktum xlílakachixcuhuín huantü lakátilh Dios.

Nachunalitum litaxtuy xpälacata ämá tajaxni huantü judíos xtaputzay nac xlatamatcán y necxni xtamaclay porque ankalhíná akatiyuj xtalay cumu necxni lay lacatancs xtacatziy para xtaläkalhincán xlícaná xcamatza-nakanicanit. Xman huá Cristo tlän namajaxaniy xlistaci chatum cristiano huantí akatiyuj lilay xtaläkalhín. Cristo litaxtuy ämá lanca talipahu xapuxcu cura huantí aya tanunitanchá hasta nac akapún laqui antá naquincapälacachuhuinán nac xlacatín Dios. Caj xpälacata pí “maktum

tú tamacamástalh namaknicán xlá litaxtuy nac xlacatín Dios cumu la aktum lilakátit lilakachixcúhuín” (9.12, 26). Chuná acxni xlá nilh y Dios lilakachixcúhuilh xkalhni, caj xmán maktum tú quincaxacanín quintalakalhincán canecxnicahuá quilhtamacú (10.10).

Umá carta liakasputa antanícu cahuaniy xlihuak amäkohl huantí talipahuán Cristo pi huantu akstitum catalipáhualh xlihuak xlatamatcán, porque Quimpuchinacán ankálhiná nacapaxquiy y nacamktayay, porque xlá “xlata xlama makán quilhtamacú, chuná la calacchú lama y chunatiyá lámaj nahuán canecxnicahuá quilhtamacú” (13.5-8).

Dios macámilh Xkahuasa laqui namacatzinínán xtalacapastacni

¹ Xamakán hasta lata minitanchá quilhtamacú Dios xcämacamintilhay xprofetas laqui nacamatziniy xtalacapastacni quilitalakapasnicán, y maklhuhua chuná cämakalhchuhuínilh.

² Pero la calacchú quilhtamacú xlá macaminít Xkahuasa laqui naquincalimäkalhchuhuínijyán xtalacapastacni, xlá maktlahuanít xlihuak huantu anán, xahuachí huá macamaxquikocanít nacamapeksiy xlihuak huantu anán nac xlicalanca caquilhtamacú. ³ Antá nac xlatamat Cristo masiyuy lácu xkásat Dios xahua lanca xlitlihueke, y caj xpälacata xlitlihueke xlimapeksín calimaxquiy litlihueke laqui ni natalaksputa chunacú natalatamay xlihuak huantu anán. Xlá quincalacxacanikón xlihuak huantu xkalhiyáhu quintalakalhincán, y acalistán

alh nac akapún y paxtutahuilachá nac xpekstácat xpumapeksín Dios.

Xkahuasa Dios atzinú lanca xlacatzúc^{ut} ni xachuná ángeles

⁴ Amá Xkahuasa Dios mákat lata caakapulanit ángeles porque amá lítlihueke huantu maxquícalh atzinú lanca xlacatzúc^{ut} ni xachuná huantu camaxquicanit ángeles. ⁵ Porque lata xlihuak min-konitanchá quilhtamacú Dios necxnicú huánih chatum ángel:

Huix Quinkahuasa y aquit mintlat,
porque lanchú chuná clímaxtuyán,
Y necxnicú chiné lichuhuinalh chatum ángel:
Aquit xtlat nacuán,
y xlá Quinkahuasa nalitaxtuy.

⁶ Pero acxní xlá macámilh xmanhuá amá chustum xapuxcu xkahuasa chiné huá:

Xlihuak ángeles huantu tatalamánalh Dios nac akapún catalakachixcúhuilh.

⁷ Y xlacatacán ángeles chiné calichuhuinalh Dios:
Dios calimaxtuy xángeles cumu la ún,
y xlacscujnín calimaxtuy cumu la lhcuyat.

⁸ Pero xlá chiné lichuhuínán Xkahuasa:
Huix lanca talipahu Dios, tamá milimapeksín necxnicú catilákspatl,
porque huantu akstítum pímpat mapeksinana.

⁹ Cumu huix lakananita huantu lixcájnit y matlantinita namakantaxtiya huantu akstítum,
mintlat Dios limaxtunitán cumu la xapuchiná huantu atzinú tlan y lipaxúhu namapeksinán ni xachuná xamakapitzín huantu na tamapeksinán.

10 Xáhuachí nac aktum salmo chiné lichuhui-nancán:

Huix Quimpuchinacán, hasta lata xamakán quilhtamacú malacatzuquínita xlihuak caquilhtamacú y lata túcu anán;

y mimacán mān litlahuanita akapún.

11 Xlihuak umá huantú malacatzuquínita namín quilhtamacú huak nalakspputparay,

pero canecxnicahuá quilhtamacú lápat nahuán.

Putum ámaj laksputa cumu la mactum lhákət huantú lakuán y niaj tlən;

12 huix pímpat kapsa xtachuná cumu la mactum lhákət,

y nalakpaliya xtachuná cumu la a calitalakxtunumpi milhákət.

Pero huix chunatiyá lápat nahuán,

porque milatámət nēcxnicú laksputa.

13 Xáhuachí Dios nipara maktum xuánih chātum ángel:

Caquimpaxtutahuila uú nac quimpekstácat, hasta caní naccamakatlajakoy xlihuak huanti tasitziniyán

laqui huak natalakachixcuhuiyán.

14 Porque xlihuak amakolh ángeles huanti tascujnimánalh Dios huak caj espíritus y ni tasiuy, camacamincán uú laqui natamaktakalha xlihuak amakolh huanti Dios calacsacnít nacalakmáxtuniy xlistacnicán.

2

Nítú tilakmakanáhu amá laktáxtut huantú quincamaxquicanán

¹ Cumu xlícaná Dios chuná lichuhuinanit Xkahuasa pus quincaminiñiyán luu cuéntaj natlahuayáhu amá xasasti xtamacatzinín huantú aya quincalimákalchuhuinicanítán laqui nítu tichi-payáhu túnuj tiji. ² Amá xlímapeksín Dios huantú xlá ticamáxquihl ángeles y ángeles ticamáxquihl xalakmakán quilitalakapasnicán, xlícaná pi xkahlíy lanca litlihueke xahua límapeksín; y xlíhuák cristianos huantí caj xmán chuná takalhakaxmatmákalh y tatláhualh talákalhín, pero xlacán chuná camapatinícalh lata lácu xcami-niniy nataxokonún. ³ Huá xpalacata aquit ccalihuaniyán: ¿apoco lacpuhuanátit pi ni caquinticamapatinín para caj xmán chuná nalakmakanáhu xtalákalhamanín Dios xahua amá laktáxtut huantú xlá quincamaxquiputunán? Porque pulh huá Quimpuchinacán lichuhuinanit eé xasasti tamacatzinín huantu mastay laktáxtut, y xlíhuák amákolh huantí takalhakáxmatli tancs tamalú-lokli pi xlícaná chuná xlá tilichuhuinalh laqui na nacanajlayáhu. ⁴ Xahuachí Dios mán lacatancs maluloknít pi xlícaná porque lhuhua laclanca licácnít tascújut huantú xlá quincalimalacahuani-nítán, y ucxilhnítáhu hasta huantú necxnicú a xuc-xilháhu, y caj xlílihueke Espíritu Santo huantú xlá chuná lacpúhua quincamaxquín xlícaná pi lhuhua huantú quincamatlahuinitán lacuán tascújut.

Jesucristo litaxtuy xapuxcu quintalacán

⁵ Dios nítu camácuentajlinít ángeles xlacata huatunín natamakmapeksinán nac amá xacalipáxáhu pulataman antaní amánáhu chanáhu,

huántu lanchú aquit ccalitachuhuinamán. ⁶ Xlicána pi níchuná, porque lacatum nac líkalhtahuaka Dios timälacpuhuánilh chatum xlacscujni pi chiné catzokli:

Lanca talipahu Dios, ¿túcu xkásat cristiano lácu lilacapastaca y lakalhamana?

¿Túcu liucxilha chatum chixcú, lácu akatiyuj lilaya xlacata pi nítu naakspulay?

⁷ Masqui xlicána pi ní makas quilhtamacú xapulh ni xcamaxquinita cristianos litlilhueke xahua límapeksín cumu la takalhiy ángeles, pero acalistán camaxqui lanca licácnit y talipahu calimáxtu.

⁸ Xlihuák huántu anán huak huá camácientajli laqui huá nacámapeksiy xlihuák huántu anán.

Cumu Dios lacatancs huanít pi huak huá camácientajliy y nacámapeksiy xlihuák huántu anán, antá lacatancs huamputún pi nipara pulactum anán huántu xlacán ní tamapeksi; pero aquinín stalanca ucxilháhu pi ní xlihuak huántu anán takalhakaxmata límapeksincán cristianos. ⁹ Pero ucxilháhu Jesús huanti ní luu makas quilhtamacú Dios límáxtulh nítu xkalhiy xlitlilhueke cumu la takalhiy ángeles y xlá tlán tláhualh tamacamástalh nac calinín caj quimpalacatacán porque xcatziy pi huá Dios chuná xlilaclhcáhuilinit namakantaxtiy, porque xlá xlicána quincapaxquiyán. Y caj xpalacata amá tapatín huántu Jesús pátílh acxní maknícalh, lanchú aya kalhiy xatlán xputáhuilh nac akapún laqui canecxnicahuá nalakachixcuhuicán y nacacninanicán.

10 Amá Quintlaćicán Dios huánti xlá xlíhuak huantu anán nac caqUILhtamacú porque huá tlahuaniṭ y huák taanán porque chuná lacasquín, xlá lacasquín pi xlíhuak xcamanán catakálhílh amá laktáxtut y tapaxuhuán huántu xlá malacnuy. Huá xpälacata límákxtekli Quimäkaputaxtinacán Jesucristo pi capátlh xlíhuak huántu xlacán xlipatitcán xuanít y chuná calimäakstítumilíkohl chuná cumu lá lacasquín Dios. **11** Pus xlíhuak cristianos huánti camalacatzuhuicanít nac xlacatín Dios chuná cumu la ti camalacatzuhuinit nac xlacatín Dios acxtum takalhiy chàtum xtlaćicán huánti huilachá nac akapún. Huá xpälacata Jesús Xkahuasa Dios nipara tzinú calimaxanán cristianos cahuaniy xnatalán. **12** Porque lacatum nac likalhtahuaka chiné huan:

Aquit naclíchuhuinán nac xlakstipancán quinaltalán,
y nac xlakstipancán huánti talipahuanán lipaxúhu nacquilhtliniyán.

13 Lacatumlitum chiné huan:

Ankalhíná aquit caj xm̄en huá clipahuán.

Y lacatum huamparay:

Umacxtum cuilanáhu, aquit xahua xcamanán
Dios huánti xlá quimacamaxquinít.

14 Cumu la stalanca catziyáhu pi xlíhuak cristianos huánti lalilakapasa pulactumá takalhiy xkalhnicán xahua xlíhuacán, pus Jesús litáxtulh quilitalakapasnicán porque xlá nā xkalhiy xkalhni xahua xmacni chuná cumu la aquinín kalhiyáhu, laquí tlān nalimakatlajay caj xpälacata xlinín amá xpuchiná calinín huánti

xkalhiy litlihueke y tlən xmakninán pero níticu atunu sinoque huá aksahuiní. ¹⁵ Pus chú aya calakmáxtunít xlíhuák amákolh cristianos huánti xlíhuák xlatamátcán xtapecuaniy linín y ankalhiná xtalamánalh cumu la xtachín porque nípara chatum tícu laktaxtuy ní naníy. ¹⁶ Xahuachí Cristo ní huá lakminít xlacata nacalakmáxtuy ángeles, sinoque huá minít calakmáxtuy amákolh huánti xlitalakapasni xamakán kolutzín Abraham. ¹⁷ Y cumu chuná xlilachcamacamincanít xafuerza xuanit pi nachuná nakalhiy xmacni cumu la takalhiy xnatalán xalac caquilhtamacú y laqui tlən nalitaxtuy lanca talipahu xapuxcu cura huánti tlən xtapuhuán nahuán, laqui tlən nacalacxacaniy xlíhuák xtalaikalhincán cristianos acxni nalilakachixcuhuinán huántu nacapalacaxokonún nac xlacatín Dios. ¹⁸ Cumu xlá ná lhuhua huántu patinit, catziy pi ankalhiná tzaksanán aksahuiní pus quilicatzitcán pi nacamaktayay xlíhuák amákolh cristianos huánti casakalima juerza camatlahuiputún talakalhín aksahuiní.

3

Jesús tlak talipahu ní xachuná xamakán kolutzín Moisés

¹ Natalán, huixinín huánti tapeksiniyátit Dios xlicana pi huá man calacsacnítán laqui Mimpuchinacán natlahuayátit, pus tancs cacatzítit y calimaxtútít Cristo Jesús cumu la lanca talipahu xapuxcu cura huánti quincapalacachuhui-nanán nac xlacatín Dios huánti aquinín akstítum

lipahuanáhu. ² Jesús luu talipahu litáxtulh nac xlacatín Dios porque luu akstítum mākantáxtílh huántu Dios xlimapeksinít y huá lilakayáhuálh eé xtascújut, chuná cumu lá xamakán quilhtamacú Moisés lihuana makantáxtílh lata lácu xlimapeskinít Dios nacapuxculén xcamanán. ³ Pero Jesús ātzinú tlak talipahu ní xachuná Moisés, xtachuná quitaxtuy cumu lá amá chixcú huánti tlahuay aktum chiqui xlá mininiy nalimaxtucán tlak talipahu y nacacninanicán ní xachuná chiqui huántu tláhuálh. ⁴ Dios xlimaxtuy amákolh xalakmakán israelitas cumu lá xchic, pero latachá nícu tayánalh chiqui juerza huí chatum chixcú huánti tlahuani, pero milicatzitcán pi huá Dios catlahuanit xlihuák huántu anán. ⁵ Moisés litáxtulh chatum tasacula huánti tancs xlimasiyut xuanit xtalacapastacni Dios, xlá akstítum mākantáxtílh y kalhakaxmatnínalh huántu xlimapeksicanit natlahuay xtascújut. ⁶ Pero Cristo ní tasacula sinoque huá xkahuasa huánti xpuchiná chiqui, xlá tlak tancs nacuentajtlahuay xlihuák huántu tanúma nac xchic Dios, amá chiqui aquinín litaxtuyáhu para chunatiyá akstítum lipahuanáhu, ya tapaxuhuán kalhkalhimánuáhu porque stalanca catziyáhu pi namaklhtinanáhu huántu quincamálac-núnicanitán.

Necxnícu catimajáxalh Dios xlistacnicán huanti mapalhiy xnacujcán y takalhakaxmatmakán

⁷ Nac líkalhtahuaka tatzoktahuilanit pi Espíritu Santo chiné huá:
Para huixinín xlicana kaxpatputunátit huántu
lanchú umá quilhtamacú cahuanimán

Dios,

⁸ pus ni camapalhítit minacujcán y ni caj cakalha-kaxpatmakántit wantu ccawanimán cumu la amakolh militalakapasnicán caj takalha-kaxmatmákalh y tzúculh tatalalacataquiy Dios acxni xtalapulay nac desierto.

⁹ Amakolh xalakmakán militalakapasnicán lhuhua huantu quintalitzaksachá para xlicana ckalhiy lanca litlhueke, y hasta quintalacatáquih mäsqui aya xlema xliti-puxam cäta lata aquit xaccatalapulay, y lhuhua laclanca licácnit quintascújut xaccalima-lacahuañinít.

¹⁰ Huá xpälacata quintalimakasítzilh amakolh cristianos, y chiné cuá: “Xlicana pi luu xaaktzankán y akatiyuj talilay xnacujcán, porque lacmín lacán talamánalh y ni talactlahuamputún nac xatlán tiji huantu ccamasí-yuninít.”

¹¹ Caj xpälacata quintasitzi tancs cuá pi nécxnicú catitatanuchá nac amá lipaxúhu pula-tamán antanícu xacámaj cámajaxay.

¹² Natalán, luu cuentaj catlahuátit nipara chatum lá huixinín timapalhiyátit minacujcán y ni nalipahuanátit, xahuachí nécxnicú titalakamakatliniyátit Dios huanti canecxnicahuá lama xastacná. ¹³ Huata quincamininijiyán pi ankalhiná calamqakpuhuantiyanihu chali chalí lihuán kalhiyahucú “umá quilhtamacú” huantu lichuhuinán Dios nac likalhtahuaka laqui nití nalitaakskahuitamay xtalakalhín

y natzucuy lacataquínán xnacú. **14** Para lacaquináhu pi ankalhiná natatalatamayáhu Cristo quincamininiyán pi chunatiyá akstítum nalipahuanáhu hasta latachá nincocxni nalakchanáhu chuná cumu la akstítum lipahuáhu acxní huacu quincalimakalchuhuinicán.

15 Porque nac likalhtahuaka chiné huan:

Para huixinín xlícaná kalhiputunátit huantú lanchú umá quilhtamacú camalacnu nimán Dios,
pus ni camapalhítit minacujcán y ni caj cakalhakaxpatmakántit huantú calímapeksiyán,
cumu la amakolh militalakapasnicán caj takalhakaxmatmákalh y tzúculh tatalalacataquiy Dios.

16 Pero calacapastáctit, ¿tícu cahuá amakolh cristianos huantí caj takalhakaxmatmákalh Dios acxní xlá man caxakatlílh? Pus huá amakolh xalakmakán quilitalakapasnicán huantí catamacxtuchá Moisés nac Egipto. **17** Xlihuák tipuxam cäta lata xcatalapulay, ankalhiná tamakasítzilh Dios porque ni xtakaxmata, huá xpápacata xlíhuák amakolh huantí tatláhualh talakalhín Dios calimákxtekli pi catánih nac desierto. **18** ¿Xatícu cahuá huantí Dios tancs cahuánih pi necxnicú catitatanuchá nac amá xasasti pulataman antanícu xámaj camajaxay? Pus huatúnín amakolh judíos huantí takalhakaxmatmákalh nac desierto. **19** Xlicana pi aquinín judíos huantí lanchú lamánáhu quincalimacuaniyán huantú taakspúlalh xalakmakán quilitalakapasnicán porque

necxnicú tatanuchá antanícu xcāmalacnuníy Dios porque ní akstítum tacanájlalh huantú cāhuánilh.

4

¹ Cumu la amakolh lakkamakán quilitlaka-pasnicán, aquinín ná quincamalacnunimán aktum lipaxúhu pulataman antanícu tlán natajaxa quilistacnicán, huá xpalacata ccalihuaniyán pi líhuán kalhiyahucú amá tamalacnún huantú quincamaxquicanán xlacata pi natanuyacháhu antanícu Dios quincamajaxaputunán, xlicana pi luu cuentaj quilitlahuaticán quilatamatcán, chicá xamaktum tícu la huixinín nilay catitanuchá. ² Amá lipaxúhu latámat huantú xlacán ticamalacnunicalh pi nacamaxquicán, ná huatiyá huantú lanchú aquinín quincamalacnunicanitán, pero xlacán nitú calimacuánih huantú xcamalacnunicanit porque ní talipáhualh huantú xtakaxmatnít. ³ Pero aquinín huanti aya lipahuanitáhu xlicana pi natanuyacháhu nac amá lipaxúhu pulataman antanícu xlá quincamajaxaputunán porque chiné huan:

Caj xpalacata quintasitzi tancs cuá
pi necxnicú catitatanuchá nac amá lipaxúhu pulataman antanícu xacámaj cāmajaxay.

Caj xpalacata huantú huá Dios tancs xlimacatzinínama pi xlá ankalhíná jaxma, porque hasta la ta timálatzúquilh cāquilhtamacú xliaktujún quilhtamacú xlá tlahuakolh xtascújut. ⁴ Pus nac likalhtahuaka chiné tatzoknít xpalacata amá quilhtamacú:

Acxni Dios tlahuakolh xtascújut xliaktujún quilh-tamacú jaxli.

5 Y lacatum antanícu calichuhuinán quilitalakapasnicán huantí caj xtalapulay nac desierto antiyá lítum chiné huamparay:

Necxnicú catitatanuchá nac amá lipaxúhu pulataman antanícu xacámaj camajaxay.

6 Pero lhuhuacú tzankay huantí natatanuyachá nac amá xacalipaxúhu pulataman antanícu Dios nacamajaxay xlistacnicán porque xlá chuná lacasquín; cumu huatunín xalakmakán quilitalakapasnicán huantí luu pulh ticalimakalhchuhuinícalh lácu natalipahuán amá xtachuhuín Dios laqui tlan natalakmaxtuy xlistacnicán, pero necxnicú tatanuchá porque caj takalhakaxmatmákalh huantú ticamalacnunicanchá. **7** Pero cumu Dios lacasquín pi mäsqui catuhua quilhtamacú cristianos tlan natatanuyachá nac amá pulataman antanícu naquincamajaxayán, huá xpälacata lhuhuatá cata acalistán chuná macatzinínalh acxni malacpuhuánih rey David pi chiné catzokpá amá tachuhuín huantú aya xcáhuaninit makán quilhtamacú.

Para huixinín xlicana kalhiputunátit huantú lanchú umá quilhtamacú camalacnunimán Dios,

pus ni camapalhítit minacujcán y ni caj cakalhakaxpatmakántit huantú calimapeksiyán.

8 Para amá xamakán quilhtamacú Josué xticatatanuchá nac amá xacalipaxúhu pulataman huantú xcámalacnunicanit quilitalakapasnicán

pi antá nacamajaxacán xlicana pi Dios niaj xtilichuhuínalh aqtúnuj quilhtamacú. ⁹ Huá xpalcata ccalihuaniyán pi xlicana huí pulactum xacalipaxúhu pülataman antanícu natajaxa amäkolh cristianos huantí talipahuán Dios. ¹⁰ Porque xlihuak amäkolh cristianos huantí tatanuyachá antanícu Dios camajaxay xlicana pi lijaxkoy xlihuak huantú xkalhiy xtascújut, chuná cumu la Dios jaxli xliaktujún quilhtamacú acxni tlahuakolh xtascújut. ¹¹ Por eso ccalihuaniyán pi luu juerza catlahuanítit laqui tlán xlihuak aquinín natanuyacháhu antanícu Dios quincamajaxaputunán, laqui nití akatiyuj natalay y natamacastalaputún amäkolh huantí ni talipáhualh huantú Dios ticamalacnúnilh y ni tatanuchá.

¹² Porque tamá xtachuhuín Dios xlicana pi xastacná y kalhiy lanca litlihueke ni xachuná aktum espada huantú lacatiyu kalhiy xlistacaca, porque xlá lajihuán tilakpacha quilistacnicán xahua quiespiritucán, y hasta chan nac xtalacapastacni huantú kalhiy chatum cristiano y huák catziy túcu huí nac xnacú. ¹³ Xlihuak huantú Dios malacatzuquinit nilay tatzekniy, porque xlá huák calakapasa huantú anán; pus huák calakuán masiyunicanit amá huantí naquincatlahuayán taxokón.

Jesús litaxtuy lanca talipahu xapuxcu cura

¹⁴ Natalán, necxnicú timakxtekyahuayáhu umá huantú aya tzucunítáhu lipáhuanáhu, porque Jesús huantí Xkahuasa Dios litáxtulh lanca talipahu xapuxcu cura, tanuchá nac akapún laqui naquincapalacachuhuinanán

nac xlacatín Dios. **15** Porque tamá xapuxcu quincurajcán tlān naquincalakalhamanán, xlá stalanca catziy pi aquinín ni kalhiyáhu litlilhueke; cumu xlá nā chixcú chixcuhuílalh catziy lácu sakalicán quimacnicán matlahuiputuncán talākalhín, pero māsqui xlá sakalícalh nēcxnicú tláhualh talākalhín. **16** Pus niaj akatiyuj caláhu huata chapaxuhuñā calaktalacatzuhuíhu laqui nakalhtahuakaniyáhu Quintlaticán Dios huánti luu tlān quincacatzaniyán, quincapaxquiyán, quincatapatiniyán, xāhuachí xlá naquincamaktayayán acxní tatlajimānáhu nahuán.

5

1 Cumu lā huixinín catziyátit, lāta xlilhuhua cristianos lacsaca Dios chātum chixcú huánti nālimaqxtuy xapuxcu cura huánti nacapälacachihuínán cristianos nac xlacatín Dios y cāmakniy takalhín huantū lilakachixcuhuícán Dios xpālaca-tata xtalākalhincán cristianos. **2** Y cumu chātum xapuxcu cura nā chixcú cumu lā aquinín xlá stalanca catziy porque maklhcatziy nac xmacni lácu quimacnicán tlahuaputún talākalhín; pus xlá tlān nacatapatiy xamakapitzín xtacristianos huánti taaktzankatayanit y ni tacatziy para talākalhín huantū tatlahuamánalh. **3** Y cumu xlá nā maklhcatziy taxlajuaninit nac xmacni xlaca-squinca nalilakatayaninán xlilakachixcuhuín caj xpālaca-tata xtalākalhín, xāhua xpālaca-tata xtalākalhincán xamakapitzín cristianos. **4** Xlicána pi njipara chātum chixcú mān lacsaca xlacata lanca xapuxcu cura nahuán, sinoque huá Dios mān

lilacsaca eé tascújut chuná cumu la xamakán quilhtamacú tililacsacchá amá xapulh xapuxcu cura xuanicán Aarón. ⁵ Pus nāchuná chú quitaxtuninit Cristo porque xlá ní huá mān sacstu lacásquilh nalitapulhcay talipahu xapuxcu cura, sinoque huá Dios lacásquilh pi nalakatayay eé tascújut, porque Dios chiné tihuánilh:

Huix quinkahuasa

porque lanchú chuná clímaxtunitán.

⁶ Y antiyalítum nac likalhtahuaka chiné huamparay:

Huix tamá lanca talipahu xapuxcu cura,
xtachuná cumu la tilitáxtulh xamakán quilhtamacú Melquisedec.

⁷ Acxní Cristo xlama uú nac caquilhtamacú xlá maklhuhua lakáxtajli y tásalh acxní xkalhtahuakaniy Dios porque stalanca xcatziy pi kalhiy lanca litlihueke laqui nalakmáxtuy nac calinín; y cumu xlá huak xkalhakaxmatnít y makantáxtih huántu Dios xlimapeksinit pus Dios ná kaxmátnih xtachuhuín y maktáyalh. ⁸ Māsqui xlicana pi Cristo huá Xkahuasa Dios xlá matlántih nakalhakaxmatnínán huántu limapeksícalh, y huak pátih huántu tlahuanícalh laqui tancs namakantaxtiy huántu xlimapeksinanit natlahuay. ⁹ Y cumu tancs makantáxtih xlihuak huántu Dios xlaclhcahuilinit entonces lanchú litaxtuy huanti xlicana tlán cālakmáxtuniy xlistacnicán cristianos huánti talipahuán y takalhakaxmata huántu xlá mastanit xlimapeksín, ¹⁰ porque Dios aya límaxtunit lanca talipahu xapuxcu cura xtachuná cumu la amá xamakán talipahu Melquisedec.

Catalítáxtulh cumu la cristianos huánti aya tastackonít y takalhíy tlán xtalacapastacnicán

11 Lhuhua huántu aquit ccalimákálchuhuini-putunán xpälacata huántu ccahuanimán pero nilay maktum ccahuaniköyán porque huixinín nilay pála akataksátit. **12** Cumu huixinín makásá lata kalhtahuakapátit lanchú aya cámminiyán xlí-taxtútít cumu la makalhtahuakenanín, pero chunacú tilacasquinátit lihuana cacamalacaputuncuhuinicántit túcu huaniputún amá huántu ni luu xalactuhua xtalacapastacni Dios. Luu xtachuná litaxtuyátit cumu la lactzú lakskatán huánti caj xman leche tlán tahuay porque nilay tatzakay huántu lacpalha tahuá. **13** Y xlihuák amákolh huanti caj xman leche talihuayán ni tastacmá-nalh huata talítaxtuy cumu la lactzú lakskatán huánti nípara tzinú taakataksa lácu lacasquín Dios natalatamay. **14** Porque amá tahuá huántu caxtlahuacán xlícaña pi caj xman huá talihuayán huanti aya tastackonít, porque xlacán tacatziy huántu camininiy y porque tacatziy huántu tlán xahua huántu nítlán.

6

1 Huá xpälacata aquit ccalihuaniyán pi catux-canítit y niaj huá luu caliaclatapátit amá xtachuhuín huántu luu puhl ticalimákálchuhuini-cántit acxni acu lipahuántit Cristo, huata calitaxtútít cumu la cristianos huánti aya tastackonít y ni talacasquín pi maklhuhua nacalimákálchuhuinicán huántu ni tuhua talacapastacni laqui tlán nataakataksa. Ni clacasquín pi ankalhín huá catilichuhuináhu lácu luu nalipahuanáhu Cristo

Jesús, lácu nalakmakanáhu amá huántu quinca-malaktzankéyahuayán nac calinín laquí tlán nali-pahuanáhu huántu Dios quincamálacnuniyán.

² Niaj huá luu akatiyuj caliláhu lácu luu quili-taakmunutcán, o lácu luu nacaliacchipacán macán amákolh cristianos huánti acu talipahuamánalh Cristo, o lácu luu talacastacuanán nin, o lácu caxanecxnicahuá nacamápatinicán cristianos caj xpápacata huántu nítlán tatlahuani. ³ Huata aquit clacpuhuanit, para Dios lacasquín, naccalimákalhchuhuiniyán tunu talacapastacni huántu na luu milicatzitcán y nacamáakstítumiliyán nac milatamatcán.

⁴ Porque amákolh cristianos huánti aya titamaklhtinalh xtaxkáket Dios, tamaklhcatzilh xlit-lhueke nac xlatamatcán xahua amá tapaxuhuán huántu tamaklhcatziy acxní talilamánalh Espíritu Santo, ⁵ chuná cumu la titalipaxúhua acxní takáxmatli amá xtalulóktat xtachuhuín Dios y chapaxuhuña xtaucxilhlacachamánalh amá lipaxúhu latámat huántu Dios malacnuý naquinca-maxquiyán. ⁶ Pero tamakolh huánti chuná xcamałacnúicanit, para acalistán talakmákalh y niaj talipáhualh, ¿apoco lacpuhuanátit pi tlán cahuá amaktum nacamakacanajlaparacán laquí chunatiyá natalipáhuán Cristo? Xlicana pi niaj lay porque amákolh cristianos huánti masqui tancs takaxmatnít huántu xtalulóktat pero talakmakán xlacán amaktum tapekextokohuacamampá nac cruz Xkahuasa Dios y lipecua tamamá-xanimánalh nac xlacatinicán xlihuak cristianos. ⁷ Xtachuná talitaxtuy cumu la aktum púcuxtu tlán muntaputíyat huántu lihuña chuhuay amá

xachúchut sín huantu minachá nac tálhmán, y para chatum chananá chan xlichánat y lhuhua lananán xlicana pi Dios lipaxuhuay. ⁸ Pero para tamá tíyat xmán huá mapulhuy laclíxcájnit lh-tucún huantu nitu limacuán porque ni tamaclasquín huantı tapuscujumánalh, xlicana pi Dios ni lipaxuhuay tamá tíyat huata maktum pi lakkakán y mininiy nalaclhcuyuhuilicán.

Akstítum calilatamáhu huantu ucxilhla-cachanitáhu

⁹ Natalán, masqui xlicana pi aquit chuná cca-huanimán pero stalanca ccatziy pi Dios calacsac-nitán y akstítum lipimpátit milatamatcán laqui tlan nalakchipinátit milaktaxtutcán. ¹⁰ Chuná ccahuaniyán porque Dios tlan catziy y xlá nec-xnicú catipatzánkálh xlihuak amá lacuán mintascujutcán huantu tlahuaniyatit, chuná cumu la hui-xinín calakalhamanátit y capaxquiyátit xlihuak amakolh natalán huantı na talipahuán Quimpuchinacán, xahuachí chunatiyá camaktayapátit y caliscupjtátit. ¹¹ Pero clacasquín pi chunatiyá akstítum camákantaxtítit lacuán mintascujutcán chatunu chatunu hasta lata lácu naquitayay milatamatcán, laqui chuná tlan nakan-taxtuy huantu kalhkalhihuilátit. ¹² Aquinín ni clacasquináhu xalaclhquititni nahuanátit huata cascújtit y cacamacastalátit lata lácu tatiscujnit amakolh cristianos huantı akstítum talipahuán Cristo, y caj xpalacata xtacanajlatcán chu tlan taamánalh tamaklhtinán amá laktáxtut huantu ticamálaçnunícalh.

13 Amá makán quilhtamacú acxní Dios timalacnúnih Abraham pi huí huantú xámaj maxquiy xtacuhuiní mān líquihalh pi namakantaxtiy, huá chuná lítláhuahalh porque nítí anán ątunu Dios huantí tlak talipahu laqui huá naliquilhán sinoque caj xman huá sacstu lama xastacná Dios. **14** Y chiné huánih: “Xlicana pi aquit nacsiculanatalhuayán y nacmálhuhuiniyán militalakapasni huantí acalistán natalacachín.” **15** Abraham lipaxúhu xkalhkalhima hasta acxní lákcháh quilhtamacú lata maklhtínalh xlihuak huantú Dios xmalacnúninit namaxqui. **16** Acxní chatum chixcú huintú lítayay namakantaxtiy, xlicana pi huá líquihán huantí ątzinú tlak talipahu ni xachuná cumu la xlá, y huantí líquihán Dios xlacata namakantaxtiy huantú lítayay xlicana pi ni caj liaksaninama. **17** Dios stalanca xcámasiyuniputún huantí xcálagsacnít pi huak namakantaxtiy huantú xlá xcámalacnúninit y nipara púlactum caj chunatá xámaj lakpalíy, y laqui nacalimálulokniy pus mān xtacuhuiní líquihalh pi namakantaxtiy. **18** Xlicana pi Dios nilay catilakpálilh huantú aya lítayanit pi namakantaxtiy porque Dios ni aksaninán, y xlihuak aquinín huantí ankalhiná putzamánu pi huá naquincámaktayayán kalhiyáhu lanca tapaxuhuán porque ankalhiná kalhkalhimanáhu naquincámaxquiyán huantú quincámalacnúninitán. **19** Amá tapaxuhuán huantú kalhiyáhu xpálaceata Cristo akstítum huilinit quilisticnicán xtachuná cumu la amá tasíhu huantú chipaxnicán tzinca ancla xla licán y lichihui-licán barco laqui lacatum natahuilay y ni natalacxija, y amá tasíhu antá tancs minitanchá nac

akapún antanícu huilachá Dios, ²⁰ antanícu lactanunitanchá Cristo acxní chalh nac akapún laqui aquinín ná tlán namín quilhtamacú nachanáhu, pero xlá tlán naquincapalacachuhuinananachán nac xlacatín Dios porque limaxtucanit lanca talipáhu xapuxcu cura cumu la xamakán Melquisedec.

7

*Jesús xtachuná litaxtuy cumu la amá xamakán
cura Melquisedec*

¹ Nac likalhtahuaka lichuhuinán pi xamakán quilhtamacú tamá kolutzín Melquisedec rey xuanit xalac Salem, y Dios huantí lanca xlacatzúcum lilaacsaci laqui huá talipáhu cura nahuán huantí nalakachixcuhiy. Y amá quilhtamacú acxní Abraham xquitaspitma nac guerra antanícu camakatlajakolh lactalipáhu reyes Melquisedec alh paxtoka y acxní lákchálh siculanatláhualh. ² Y cumu chuná xlitláhuat xuanit natlahuay xlacata namaxquiy cura acatzunín huantú xkalhiy, Abraham máxquih acatzunín huantú xlá xcäqui-maktlajanit xenemigos nac guerra. Tamá tacuhuiní Melquisedec pulactiy huantú huaniputún, xapulh huamputún “rey huantí tlán catziy”, y xlipulactiy cumu xlá rey xuanit nac Salem, Salem huamputún “lipaxúhu latámát”, y lata xliputum chiné huamputún: “rey huantí mastay lipaxúhu latámát”. ³ Nac likalhtahuaka ni huan para tícu xtlat xahua xtzí tamá makán Melquisedec, ná

nipara catzicán tícu xlitalakapasni o nícu xquiltzúcut; na níticu catziy acxni lacachinit, pi chunalitum acxni nílh níticu catziy. Tamá Melquisedec quiltaxtunitanchi cumu la xaliucxilhtiyán lácu kalhiy xlatámat amá Jesús huantí Xkahuasa Dios, porque xlá ankalhiná lámaj nahuán canecxnicahuá quilhtamacú cumu la lanca talipáhu xapuxcu cura nac xlacatín Dios.

⁴ Pus milicatzítcán pi luu talipáhu cura xuanit Melquisedec porque hasta amá xamakán quilitalakapasnicán Abraham máxquih acatzunín huantú xlá xcäquimaktlajanit xenemigos nac guerra. ⁵ Nac amá libro antanícu tatzoktahuilanit xlimapeksín Moisés huan pi xlíhuak amäkolh xlitalakapasnicán xamakán Leví huantí xtaamánalh talakatayay xtascújut cura, xlacán xlimatajítcán xuanit laqui nacamaxquicán acatzunín huantú takalhiy xamakapitzín cristianos, masqui xlícaná pi acxtum huak xlalilakapasa porque na huá xcämalacatzuquinitanchá xamakán kolutzín Abraham. ⁶ Pero masqui Melquisedec ni xlitalakapasni xuanit Leví Melquisedec juerza matájilh Abraham, y xlá máxquih acatzunín huantú xquitlajanit, y acalistán Melquisedec siculanatláhualh Abraham huantí Dios aya xmälanuninit pi huintú xámaj maxquiy. ⁷ Y stalanca lítasiyuy pi Melquisedec luu talipáhu xuanit, porque huantí siculanatlahuánán atzinú tlak talipáhu ni xachuná huantí siculanatlahuacán. ⁸ Lá calacchú quilhtamacú nac xpulatamäncán judíos amäkolh cura

huánti tasquiniy acatzunín huantú takalhiy xamakapitzín cristianos xlacán ná caj catihuá cristianos huánti ná taniy cumu la xamakapitzín; pero nac líkalhtahuaka lichuhuinancán Melquisedec cumu la chatum cura huánti lamajcú xastacná. ⁹ Tlān nahuanáhu xpälacata Abraham pi acxni xlá máxquih Melquisedec acatzunín huantú xquitlajanit quitáxtulh pi acxni tuncán xokónulh xpälacata Leví y xlíhuák xlitalakapasni huánti ná acalistán xtaamánalh tascuja cumu la cura, y ná xlimatajinatcán xtahuanit laqui judíos natamaxquiy acatzunín huantú takalhiy. ¹⁰ Masqui xlicana pi acxni Melquisedec quipáxtokli Abraham niá xtalacachín xcamanán, pero aya xcalilama nac xlatámat porque huák xcamanán xtaamánalh tahuán.

¹¹ Amakolh cristianos israelitas huánti Dios xcalacsacnít xlá cámakalchchuhuínih xlimapeksín huantú ticámáxquih amakolh cura cahuanicán levitas huánti xamakán xcámalacatzuquinitanchá Aarón; cumu para amakolh cura caj xpälacata xtascujutcán tlān xticámáxquih laktáxtut xlíhuak amakolh cristianos huantí xtamákantaxtímánalh huantú huan nac límapeksín, entonces Dios niáj xtimálácnulh xtilácsacli achatum lanca talipáhu xapuxcu cura huánti canecxnicahuá xámaj latamay cumu la Melquisedec, y ni lácsacli chatum xlitalakapasni Aarón huánti niy cumu la catihuá chixcú. ¹² Pero para chuná lakpalicán xpälacata tunu ti xlacsáccalh natlahuay xtascújut xapuxcu cura y niáj huá xlitalakapasni Leví huánti natlahuay, pus ná luu xlacasquinca

nalakpalicán limapeksín porque ni chuná huan. ¹³ Y huá Quimpuchinacán, huánti xpälacata lichuhuinancán eé takalhchuhuín nac likalhtahuaka, xlícaña pi xlá antá maktapeksiy xatúnuj pulactu huánti camalacatzuquinit, y antá nac xlakstipancán amákolh cristianos nipara chatum cura a taxtuyachá. ¹⁴ Porque xlíhuak catzicán pi Quimpuchinacán Jesús xamakán quilhtamacú huá xmalacatzuquinitanchá amá kolutzín Judá, pero Moisés nitú calichuhuínalh xítalakapasni Judá acxní xlá tzokli nac xlimapeksín xatícu natascuja cumu la cura nac xlacatín Dios.

¹⁵ Xlicána taluloka pi chuná la ccahuanimán, porque Dios lácsacli chatum xapuxcu cura huánti nalakachixcuhuij xtachuná cumu la xamakán quilhtamacú tilacsacchá Melquisedec. ¹⁶ Porque xlá ni titáxtulh xapuxcu cura caj cumu aya xlíchu-huínancanit nac xlimapeksín Moisés tícu xquilh-tzúcut xlíhuánat xuanit, huata huá lilácsacli Dios porque xlá xkalhiy lanca litlihueke y lámaj nahuán latachá nincoccxni quilhtamacú. ¹⁷ Porque mak-tum quilhtamacú Dios chiné lichuhuínalh:
Huix clímaxtuyán lanca talipáhu xapúxcu cura
huánti nalatamay canecxnicahuá quilhta-macú

chuná cumu la ctilimáxtulh Melquisedec.

¹⁸ Antá litaluloka pi huantü xuí xapulh limapeksín, lanchú niaj tu limacuán porque xlá ni xkalhiy litlihueke xlacata nalakpalij quintayatcán cristianos laqui natatayaniy nac xlatamatcán, ¹⁹ xahuachí nitucu camaakstítumi-línílh xtalacapastacnicán cristianos. Pero lanchú

tlan paxuhuṇaq ucxilhlacachanáhu huantú quincamalacnúnicanitán porque chú kalhiyáhu chatum huanti quincapalacachuhuinanán nac xlacatín Dios laquí lipaxúhu namalacatzuhuiyáhu y niaj napecuaniyáhu.

20 Chuná tancs taluloka porque acxní Dios lácsacli pi nalimáxtuy umá tunu xapuxcu cura mismo xtacuhuiní mān líquíhalh pi namakan-taxtiy huantú xmálacnunima, pero acxní calimáxtulh cura xamakapitzín nitu líquilhanit xtacuhuiní porque ní xkalhiy huantú nacamálac-nuniy. **21** Pero acxní lilhcácalh pi Quimpuchinacán Jesús xapuxcu cura nalitaxtuy xlicana pi mān nac xtacuhuiní Dios líquíhalh, porque likalhtahuaka lacatum chiné huan:

Nac xtacuhuiní Quintlāticán Dios mān líquilhanit
pi huintú ámaj mākantaxtiy

y nichunatá catitamákxtekli huantú malacnunit.
Pus chiné huánih: “Huix pímpat litaxtuya lanca
talipáhu xapuxcu cura canecxnicahuá
quilhtamacú.”

22 Pus huanchú Jesús quincamácatziniyán pi huá umá ątzinú xatlán talacaxlán huantú quinticamalacnúnican ni xachuná huantú Dios pulh ticatatláhualh makán quilhtamacú judíos. **23** Amakolh cura huanti xapulh xtascujmánalh nac xlakstípancán judíos luu clhuhuacán xtahuanit, huá xtalitalhuhiinit porque cumu ni xliankalhíná xtakalhiy xlatamatcán nílay xtalimakapalay nac xtascujtcán. **24** Pero cumu Jesús niaj necxnicú catínih pus amá xtascújut huantú lakáya cumu lə xapuxcu cura necxnicú catilakpálilh xlacata tunu huanti

xapuxcu cura nahuán. **25** Huá xpälacata maktum calílakmäxtuy huánti talipáhuán y tlán cämälacatzuhuiy nac xlacatín Dios, porque Cristo canecxnicahuá quilhtamacú lama xastacná laqui nacapalacachuhuinán cristianos nac xlacatín Dios.

26 Xlicána pi aquinín xmaclacasquináhu chäatum lanca talipáhu xapuxcu cura cumu la Jesús huánti naquincämaktayayán, porque xlá tlán catziy, necxnicú tlahuanít huántu nitlán, xlá necxnicú cätatayay huánti tatlahuay talakalhín, y nac akapún limäxtucanít cumu la tì atzinú tlak talipáhu ni xachuná xlihuák huánti antá tahuilánalh. **27** Xlá njichuná lakachixcuhuinán cumu la xämakapitzín xanapuxcun cura porque xlacán chali chalí tamakniy lactzu takalhín huántu xtalilakachixcuhuinán, pülh xlacán tamakniy huántu xtalilakatayaninán xpälacata xtalakalhincán, y acalistán talilakatayaninán xpälacata xtalakalhincán xlihuak cristianos. Pero Jesús caj xmän maktum lilakatayaninalh xlilakachixcuhuín acxni tamacamástalh y nilh caj quimpalacatacán, huá xlá xokónulh xpälacata quintalakalhincán, y huantü tlahuanít ankalhiná limacuamaj nahuán. **28** Nac xlimapeksín Moisés huan xlacata pi nacalimäxtucán makapitzín lacchixcuhuín cumu la xanapuxcun cura masqui xlicana pi tamakolh lacchixcuhuín necxnicú akstítum talamánalh. Pero huantü acalistán Dios malácnulh acxni aya xuijá xlimapeksín Moisés xlicana pi canecxnicahuá quilhtamacú akstítum lama y nitü tlahuanít tuncán talakalhín, porque huá män malácnulh xkahuasa laqui nalitaxtuy lanca talipáhu xapuxcu cura y canecxnicahuá

quilhtamacú akstítum namákantaxtiy xtascújut.

8

Jesús huilachá nac akapún cumu la xapuxcu cura

¹ Xlihuak huantu lichuhuinanitáhu atzinú luu xlacasquincá naquincalimacuaniyán porque catziyáhu pi tamá Jesús huanti litaxtuní lanca talipáhu xapuxcu cura xlicána pi lanca xlacatzúcute porque xlá tahuilanitanchá nac xpekstácat xpumapeksín Dios nac akapún, ²y antá scujma cumu la xapuxcu cura lakachixcuhuinán nac amatá pusiculan huantu man tlahuani Dios y neçxnicú catiláclalh porque ni lacchixcuhuín tatlahuanit.

³ Cumu la huixinín catziyátit pi lacsaccán chatum xapuxcu cura laqui nalilakatayaninán lilakachixcuhuín xahua amatolh takalhín huantu cámaknicán nac xlacatín Dios xpápacata xtalakalhincán cristianos, pus huá xpápacata Jesucristo na juerza huí huantu nalilakatayaninán. ⁴ Para Jesús antacú cahuá uú lama nac caquilhtamacú xlicána pi nipara cura xtilitáxtulh porque lhuhua tahuilánalh cura huanti tamaklhtinán huantu cristianos talilakachixcuhuiy Dios chuná cumu la huan nac xlimapeksín Moisés. ⁵ Pero xlihuak huantu tatlahuay acxni talakachixcuhuinán tamakolh cura huak caj liucxilhtiyán xtachuná cumu lá xmastílek huantu anán nac akapún. Xlicána pi caj liucxilhtiyán porque acxni Moisés huacu pylh xámaj caxtlahuay pusiculan antanícu nalakachixcuhuicán Dios chiné

huánilh: “Luu cuentaj catlahua porque clacasquín pi chuná natlahuaya cumu lá lanit huantú cmäsiyunín nac kestín.” ⁶ Pero amá talipáhu xapuxcu quincurajcán nac akapún xlá mäkantaxtima huantú tlak xatlán tascújut, porque xlá quincamälacatzuhuinitán y quincapalacachuhuinanachán nac xlacatín Dios, xáhuachí aya quincatłahuanítán aktum ątzinú xatlán talacaxlán.

⁷ Porque para amá xapulh talacaxlán huantú Dios cätatlahuanít cristianos acxni xlama Moisés lihuana xtitamakantáxtih, xlicana pi niaj xfuerza xtitlahuaparácalh aktumlitum xasasti talacaxlán. ⁸ Pero Dios ni mätlántih huantú xtatlahuamánalh amäkolh cristianos huá xpälacata chiné huan nac likalhtahuaka:

Chiné huan Quimpuchinacán: Amaj lakchán quilhtamacú
acxni aquit naccatłahuay aktum xasasti talacaxlán tamakolh cristianos huantí xlitalakapasni Israel xáhua xlitalakapasni Judá.

⁹ Umá xasasti talacaxlán huantú naccatłahuay cristianos ni xtachuná cumu lą tu cticatłáhuah xalakmakán xlitalakapasnicán acxni aquit ccämaktáyah y ccätamacxtuchá nac xacachiquín Egipto;

pero cumu xlacán ni tatlahuapútulh huantú na xquintalitayaninit,

huá xpälacata ccäliakxtekmákalh nac desierto.

¹⁰ Pero cumu aya títaxtukonít tamá quilhtamacú, pus chú naccatłahuay cristianos aktum xasasti talacaxlán,

y chiné naquitaxtuy:

Aquit nacuiliy quilimapeksín nac xtalacapástacnicán,

y líhuaná nactzokuiliy nac xnacujcán.

Xlacán naquintaliucxilha cumu la xDioscán huánti akstítum natalipáhuán,

y aquit naccalímaxtuy quincamanán huánti ccalakmaxtunit nahuán.

11 Amá quilhtamacú niaj xafuerza akatiuj natalilay cristianos

xlacata nalalímakalhchuhuiníy para xlitalakapasni osuchí xtälacatzú,

laqui naquintalakapasa pi aquit Xpuchinacán, porque xlicana pi xlihuák cristianos naquintalakapasa

chuná camán hasta huánti lactzucú xahua huánti luu lakkolún.

12 Aquit naccatapatiy y naccamatzankenaniy xlihuák huantü nitlán tatitlahuanit,

y niaj para maktum cactilacapástacli xlihuák xtälakalhincán.

13 Cumu Dios lichuhuinán aktum xasasti talacaxlán, lacatancs huamputún pi huantü xapulh xtalahuanit niaj tu limacuán; y cumu catziyátit pi xlihuák huantü aya lakuanit y niaj tu limacuán xlicana pi nipara makas quilhtamacú maktum pi nalakspuskoy.

9

Cristo tanuñitanchá nac akapún laqui aquinín na tlán natanuyacháhu

1 Cumu la huixinín aya catziyátit pi acxní Dios huacu pulh ticatatláhuah xtalacaxlán judios, xlá man matlahuínalh aktum pusiculan y cahuánilh

lácu xlacasquín natalakachixcuahuíy, pero amá pusiculan xlíçana pi antá uú xala cäquilhtamacú. ² Amá pusiculan xla lhákät huantü tlahanícalh Dios pülaclhuhua xuanít, pulh xuilachá lacatum huantü xuanicán Lugar Santo o Antanícu lakachixcuahuicán Dios; antá xyá aktum lanca candelero huantü xpuyahuacán cera, xahua aktum mesa y nac xokspún xtahuilánalh caxtilánchahu huantü xlilikachixcuuhuinancán. ³ Y nac xchakén xlimactiy lilakatlapán nac xlipulactiy chiqui xuilachá huantü xuanicán Lugar Santísimo, o Antanícu huí Dios. ⁴ Antá xtlahuacanit aktum pusantu xla oro y nac xokspún chlcuyucán ciensus, na xuí aktum caxa huantü lihuana xlimacmanicanit oro nac xmacni xahua nac xpulacni, antá xcämaquicanit amá lakxtakala chíhuix antanícu xtatzoknit kampacáhu xlimapeksín Dios. Na antá xtajuma patum xálu xla oro, y nac xálu xtajuma actzü tahuá xuanicán maná huantü chali chalí xtamaquiy nac desierto. Na antá xmaquicanit nac caxa xlíxtok amá kolutzín Aarón y amá líxtoko hasta xmakxipunitá. ⁵ Nac xokspún amá caxa xtayánalh chatiy laclanca ángeles huantü xtamasiuy pi antá xuí Dios, masqui xlá ni xta-siyuy, xtaliaktlapakonit xpekencán xlitaakachuw amá caxa. Pero clacpuhuán pi lanchú ni luu xlacasquinca caj huá luu nalíkalchchuhuinanáhu xlihuak huantü xuí nac amá pusiculan xla lhákät.

⁶ Amá pusiculan xla lhákät huantü timatlahuinalh Dios xchaliyán xtatanuy cura laqui natalakachixcuahuíy Dios nac pulactum chiqui antanícu xuanicán Lugar Santo. ⁷ Pero xlipulactiy chiqui huantü xuanicán Lugar

Santísimo caj xman maktum aktum c̄ata xmininiy natanuy xapuxcu cura, y xlilénat xkalhni lactz̄u takalhín huant̄u acu xc̄amaknicanit, pulh nalilakatayaninán xp̄alacata xtalakalhín huant̄u man tlahuaniit y acalistán chū nalilakatayaninán xp̄alacata xtalakalhincán xlihuák cristianos.⁸ Pus luu lacatancs quincamacatzinimán Espíritu Santo pi amá makán quilhtamacú lihuán chunacú xkalhakaxmatmácalh xlimapeksín Moisés tlan xlakachixcuahuicán Dios nac xpusiculan xla lhákət lacatum antanícu huanicán Lugar Santo; quitaxtuy pi nac xlipulactiy antanícu huanicán Lugar Santísimo nipara chātum catihuá cristianos xc̄amininiy natamalacatzuhuiy Dios.⁹ Xlihuak huant̄u pulh xtlahuacán litaxtuy aktum liucxilhiyán xala c̄alacchú quilhtamacú; chuná cuan porque xlihuák amakolh lilakachixcuuin huantu chunacú l̄ilakatayaninamácalh xlihuák amakolh cristianos huanti chuná talilakachixcuuhuiy Dios, neçxnicú tancs catitalimaklhcátzilh nac xlatamatcán para luu lihuana calimatzañekenanicanit xtalakalhincán huant̄u tatitlahuanit.¹⁰ Y nachuná quitaxtuy xp̄alacata xlihuák amakolh limapeksín huant̄u xquincahuaniyán xatúcu tlan nahuayáhu o nalikotnunáhu, xahua lácu tlan nalilacxacayáhu huant̄u xlitaxtapunít quimacnicán, porque umá limapeksín caj xman huá xquincalimacuaniyán nac quimacnicán y ni xkalhiy litlihueke nalilacxacayáhu talakalhín huant̄u xkalhiyáhu nac quinacujcán, pero Dios xcatziy pi niaj tu catilimácuac xcn̄i xlá nalakpalikoy amá xlimapeksín huant̄u pulh xtlahuanit.

*Cristo lilakachixcuhuima Dios xkalhni huantu
stajmákalh acxni nilh*

11 Pero cumu Cristo aya quilachi nac caquiltamacú, Dios límáxtulh lanca talipahu xapuxcu cura huanti naquincamaxquiyán xlihuak huantu Dios quincamaxlaciñuninitán nac xasasti xtalaccaxlán. Xlá antá lakachixcuhuinanachá nac akapún expusiculan Dios huantu atzinú xatlán, porque ni huá tlahanit lacchixcuhuín, xahuachí ni antá uú xala caquiltamacú. **12** Cristo chalh nac xpusiculan Dios huantu huí nac akapún y antá maktum tu tanuchá canecxnicahuá nac xpusiculan nac Lugar Santísimo antanícu huí Dios, xahuachí ni huá lilakachixcúhuilh Dios caj xkalhnicán lactzu takalhín cumu lá borregos, chivos huantu xcāmaknicán, sinoque xlá lilakachixcuhuinalh xkalhni huantu man stajmákalh acxni maknícalth laqui aquinín nakalhiyáhu xlaktáxtut quilistacnicán canecxnicahuá quilhtamacú. **13** Xlicana pi xkalhnicán huácac xahua chivos chuná cumu lá xalhcaca becerros huantu xcalhcuyucán nac xokspún pusantu nac pusiculan xkalhiy litlihueke porque acxni xcalipuxmanicán nac xmacnicán cristianos cāchekemakanícalh huantu xcāmaxcajuelinit xcuenta caquiltamacú. **14** Cumu para xkalhnicán lactzu takalhín kalhiy litlihueke, ipus xlicana pi atzinú xalihuacay lanca litlihueke kalhiy xkalhni Cristo porque maktum tu quinacalxacanín quintalakalhincán! Cristo tamacamás-talh nac calinín laqui naquincapálakaxokonunán xlihuak quintalakalhincán nac xlacatín Dios, y Dios lakátlh tamá lilakachixcuhuín porque xlá nitu xlitaxtapunit; y amá xkalhni huantu xlá

stajmákalh quincalacxacaniyán xlíhuak xalixcáj-nit quintalacapastacnicán huantú xquincamála-ktzankemán laqui xlíhuak xlitlhueke quinacujcán xmán huá nalacscujnaniyáhu xastacná Quintla-ticán Dios.

15 Acxní Cristo nílh xlá matzúquih aktum xasasti talacaxlán huantú Dios quincatatlahuán, y lacatancs huan pi quincamatzankeñaniyán xlíhuak quintalákalhincán huantú titlahuanitáhu acxní akpuntum xlamañáhu, y xapulh talacaxlán huantú Dios xtlahuanit xquincahuaniyán pi naxokonunáhu, xahuachí xlíhuak amakolh cristianos huantí Dios cälacsacnít tlán namak-lhtinanáhu y nalilatamayáhu canecxnicahuá quilhtamacú huantú quincamalacnuninitán.

16 Cumu lá huixinín catziyátit pi masqui líhuana lacaxtlahuacanit mactum cápsnat xla herencia xlacata pi huantú akataxtunimácalh chatum chixcú, tamá chixcú huak xlá nahuán huantú litayanicanit pero hasta acxní nanij huantí mastama herencia. **17** Para lamajcú amá chixcú huantí malacaxtlahuinanit cápsnat xla herencia xlicana pi nítu limacuán cápsnat, pero para aya ninit entonces limacuán porque tlán xlá natluhauay huantú timalacnúnicalh natajcán. **18** Chuná ccáhuaniyán porque xamakán quilhtamacú acxní Dios titláhualh amá xapulh talacaxlán, xlacata nalitaluloka camaknícalh lactzú takalhín y lilakachixcuhuícalh xkalhni.

19 Moisés camakéstokli xlíhuak cristianos y tzúculh calikalhtahuakaníy xlimapeksín Dios; acalistán tíyah tzutzoko panámac xahua akatum lasasa xmakxpín hisopo, lup cámajulh antanícu

quilhtum xuí xkalhnicán lactzu becerros xahua chivos huántu xcāmaknicanit y xtalaktlahuacanit chúchut, tzúculh calipuxmaniy amá libro antanícu xtatzoknit xlimapeksín Dios, y nachuná calipuxmánih amakolh cristianos huánti antá putum xتayánallh.²⁰ Acalistán Moisés chiné cahuánih: “Huá umá kahni maluloka pi lanchú Dios xlicana cataatlahuamán aktum talacaxlán.”²¹ Moisés na calipuxmánih kahni amá pusiculan antanícu xlakachixcuhuinancán y xlíhuak huántu antá xmaclacasquincán acxní xlakachixcuhuicán Dios.²² Porque nac xlimapeksín Dios huántu xmaxquinít Moisés huan: “Xlíhuak huántu xcajualanit xafuerza pi kahni nalickekemakanicán, y huánti ni nalilakachixcuhuinán kahni niitu matzankenanimácalh xtalaکahín.”

Cristo maktum tu quincalacxacanikonítán xlíhuak quintalaکahín canecxnicahuá quilhtamacú

²³ Amá pusiculan antanícu xlakachixcuhuicán Dios huántu xapulh titlahuanícalh xlicana pi caj xaliucxilhiyán huántu huilachá nac akapún, y cumu lhuhua huántu uú xlitaxtapuy xlacasquinca xuanit pi xkalhnicán lactzu takalhín nalickekemakanicán; pero xlíhuak huántu huilachá nac akapún xlacasquinca nalilakachixcuhuicán huántu atzinú xatlán lilakachixcuhuín.²⁴ Porque amá Quimpuchinacán Cristo ni tanunit tuncán nac amá pusiculan xlacata nalakachixcuhuiy Dios antanícu xtatlahuaniit lacchixcuhuín

xpusantu, xaliucxilhtiyán luu xacaná xpusantu huantú huilachá nac akapún, sinoque xlá antá nac akapún tanunitanchá antanícu huí Quintlāticán Dios laquí canecxnicahuá quilhtamacú naquincapalacachuhuínanachán nac xlacatín. ²⁵ Xlá maktum tu tanunitanchá nac xlacatín Dios laquí nalilakachixcuhuínan xkalhni y ni maklhuhua catistajmákalh laquí nalixokonún xpälacata quintalakalhincán cumu lá xtatlahuay xanapuxcun cura huanti xcatán xtatanuy pülactum antanícu xuí Dios laqui natalilakachixcuhuiy xkalhnicán lactzu takalhín xpälacata xtalałakalhincán cristianos. ²⁶ Para xlacasquinca pi maklhuhua xtilakachixcuhuínalh, hasta lata timalacatzuquícalh caquiltamacú xlicana pi maklhuhuatá cahuá xtitamástalh namaknicán xpälacata quintalakalhincán; pero cumu chú lakchánit quilhtamacú milh Cristo nac caquiltamacú laquí namacamastay xlatámat nac xlacatín Dios cumu la aktum limaakxtakájnít lilakachixcuhuín y maktum tu quincalacxacanikonítán xlihuák quintalakalhincán canecxnicahuá quilhtamacú. ²⁷ Cumu la catziyátit pi nac caquiltamacú xlihuák aquinín cristianos maktum tu niyáhu y hasta acalistán nalakchán quilhtamacú acxni naquincamaxokonicanán xpälacata huantú titlahuanitáhu uú nac caquiltamacú, ²⁸ pus nachuná chú Cristo caj xmán maktum tamacamástalh nac calinín cumu la aktum lilakachixcuhuín xpälacata quintalakalhincán nac xlacatín Dios. Masqui xlicana pi namimparay xlimaktiy, pero niaj huá catímilh tilichuhuínán

lácu nacälacxacaniy xtaläkalhincán cristianos, huata caj namín catiyay xlíhuák huánti talipahuán y takalhkálhimánalh nahuán.

10

¹ Amá xlímapeksín Dios huantú pulh timáx-quilh Moisés, huák caj xmastílek xuanit huantú acu luu xámaj mastay, pero ninaj huá luu xaxlicana. Huá xpalacata ccalihuaniyán pi xlímapeksín Moisés nilay calimaxtuy cristianos cumu la tì nitú kalhiy xtaläkalhín huánti xcatán tali-miniy xapuxcu cura xlilakachixcuhuincán laqui natalilakachixcuhiy Dios. ² Porque para xlacán tancs xtacátzilh cristianos pi tamakolh lilakachix-cuhuín huantú xlímapeksinán nac xlímapeksín Moisés natalilakachixcuhiúnán xlicana xcalacxacánih xlíhuák xtaläkalhincán entonces niaj chunatiyá xtalakachixcúhilh Dios xcatán porque xlacán stalanca xtacátzilh pi niaj tú talipecuán. ³ Pero tamá xlilakachixcuhiúnán huantú xcatán talilakachixcuhiúnán xlicana pi caj cajimalaca-pastacniy pi latiyá takalhiy xtaläkalhincán ni luu xcalacxacanicanit. ⁴ Porque amá xkalhnicán becerros xahua chivos huantú talilakatayaninán nac xlacatín Dios xlicana pi nilay calacxacaniy xtaläkalhincán cristianos.

⁵ Pus huá xpalacata acxní Cristo milh nac caquilhtamacú chiné huánilh Dios:
Huix niaj lacasquina nalilakachixcuhiicana caj catuhuá takalhín,
laqui xkalhnicán nalilacxacaya taläkalhín,
huata huix quimaxquinita quimacni laqui huá naclilakachixcuhiyán.

6 Huix niaj matlantiya nac̄amaknicán lactzú takalhín nac̄alhcuyucán laquí nalilakachixcuhuicana y nac̄alacxacaya talakalhín.

7 Huá xp̄alacata aquit chiné cuá: “Huix lanca talipáhu Dios, pus chú utschenachá aquit laquí naclahuay mintapaxuhuán, chuná cumu la tatzoktahuilanít quilacata nac̄likalhtahuaka.”

8 Cumu la huixinín kaxpáttit, xapulh huan pi Dios niaj lacasquín y ni lakatiy nalilakachixcuhuicán catuhua lilakachixcuhuín xahua huantú c̄amaknicán y calhcuyucán takalhín laquí nali-matzankenáninán talakalhín, m̄asqui xlícaná pi xlíhuak huantú xtlahuacán xamakán quilhtamacú huá Dios man xlímapeksinamparanít acxni timáxquih xlímapeksín Moisés. **9** Y acalistán chú huamparay: “Huix lanca talipáhu Dios, pus chú utschenachá aquit laquí naclahuay mintapaxuhuán.” Antá lacatancs huamputún pi niaj tu talimacuán xlíhuak amakolh lilakachixcuhuín huantú xapulh xtlahuacán, porque huá ̄atzinú xmatlantiy Dios amá xasasti xlilakchixcuhuín huantú xlá xámaj lilakatayay Cristo. **10** Cristo tláhuall xtapaxuhuán Dios acxni xlá tamacamás-talh y nílh caj quimpalacatacán, ná acxni tuncán Dios quincalimáxtún cumu la nítu quintalakalhincán porque acxni xlá nílh y lilakachixcuhuín xmacni caj xman maktum tú quincalacxacanín xlíhuak quintalakalhincán canecxnicahuá quilhtamacú.

11 M̄asqui lacatancs catziyáhu pi amakolh takalhín huantú ankalhíná talilakachixcuhuínán cura

xlicana pi nilay talacxacay quintalakalhincán pero xlacán pihua pihuá talilakatayaninán chali chalí xlilakachixcuhuincán. ¹² Pero Jesucristo maktum tu lìlakatayaninalh xlatámat laqui tlán nalimatzankenaninán xlihuak talakalhín, y acalistán chú tahuilachá nac xpaxtún Quintlaticán Dios. ¹³ Y antá chú kalhimachá nahuán hasta nalakchán amá quilhtamacú acxní Dios namakantaxtiy huántu timälacnúnilh acxní chiné huánilh: “Aquit naccamakatlajay xlihuak huánti tasitziniyán laqui acalistán macxtum natalakachixcuhuiyán.” ¹⁴ Porque masqui caj maktum lata xlá lilakachixcuhuinalh xlatámat, pus xlihuak huánti xlá xcàlacsacnít y càlaczacánih xtalakalhincán luu lacuán cristianos calimáxtulh nac xlacatín Dios. ¹⁵ Y na lihuana quincamalulokniyán Espíritu Santo acxní chiné huan nac likalhtahuaka:

¹⁶ Chiné huán Quimpuchinacán: Cumu chú aya titaxtukonít tamá quilhtamacú,

pus chú naccatlahuay aktum xasasti talacaxlán, y chiné naquitaxtuy:

Aquit nacuiliy quilimapeksín nac xtalacapastacnicán

y lihuana nactzokuiliy nac xnacujcán.

¹⁷ Y niaj para maktum cactilacapástaclí xlihuak xtalakalhincán.

¹⁸ Pus cumu xlicana pi aya quincamatzanke-nanicanítán xlihuak quintalakalhincán niaj xlacásquinca nalilakatayaniyáw Dios lhuhua xalimaakxtakajnít lìlakachixcuhuín huántu nalilac-xacaputunáhu quintalakalhincán.

Xlihuak huanti lipahuán Cristo lipaxúhu calaktalacatzúhuílh Dios

19 Natalán, cumu Jesucristo aya stajmakanit xkalhni caj quimpalacatacán pus aquinín niajpara tzinú pecuanáhu huata tlán natanuyáhu nac Lugar Santísimo antanícu huilachá Dios laqui ya tapaxuhuán nalaktalacatzuhuiyáhu. **20** Porque tancs stałanimañáhu xasasti tiji, amá xatiji latámat huantu xlá quincaquimalaquinichín acxni quilachi caj xpälacata cumu quincapalacanín, porque acxni nilh Cristo quitáxtulh cumu lámpara maktum lácxtitli y matapánulh amá lanca lilakatlapán nac xpusiculan Dios y chuná maláquih nac amá xpulactiy chiqui huanicán Lugar Santísimo laqui chú catihuá aquinín tlán natanuyáhu antanícu huí Dios. **21** Porque nac akapún aquinín kalhiyáhu chatum lanca talipahu xapuxcu quincurajcán huá Jesús huánti cuentajlakonít xlihuak huantu anán nac xchic Dios. **22** Huá xpälacata ccalihuaniyán pi luu lipaxúhu y akstítum quinacujcán calilaktalacatzuhuihu Dios, huantu akstítum calipahuáhu y niaj tu akatiyuj calílalh quinacujcán porque huá lichekenítáhu quinacujcán ama luu xastalanca chúchut xalac akapún. **23** Luu tlihueklh cahuilítit mintacanajlatcán y lipaxúhu cakalhitahuilátit acxni nacamaxquicanátit huantu quincamalacnúncianítan caj xpälacata cumu lipahuanáhu Cristo; porque xlihuak huantu Dios quincamalacnúncianítan tancs ámaj makantaxtiy. **24** Y lihuán kalhiyáhu quilhtamacú quincamininiyán huantu akstítum nalapaxquiyáhu, nalámaktayayáhu chatum

achatúm y natluhuayáhu huántu lacuán tascújut.
25 Necxnicú titachokotayayáhu xlacata naanáhu litamacxtumiyáhu xtachuhuín Dios cumu la talicatziy makapitzín, huata caj lihuaca calamaakpuhuantiyaníhu chatum achatum laqui macxtum nalayáhu, xalihuaca la całacchú porque catziyáhu pi talacatzuhuima quilhtamacú acxní namimparay xlimaktiy Quimpuchinacán.

26 Pero para aya lakapasáhu tancs xtalacapastacni Dios y aya catziyáhu huántu lakați y natluhuayáhu, y cumu caj luu chuná catziyáhu natitluhuayahucú talakalhín, xlicana pi niaj ti caquinticapälakaxokonún xpälacata quintalakalhincán. **27** Huata caj xman nakalhiyáhu lácu tamaklhcatziy xtasitzi Dios acxní xlá nacama-patiñiy xlihuak huanti caj takalhakaxmatmá-kalh xlimapeksín, porque xlá nacalimalakspputuy llcuyat. **28** Cumu la catziyátit pi xamakán quilhtamacú pi para tícu caj xkalhakaxmatmakán xli-mapeksín Moisés y para xuí chatiy o kalhatutu testigos huanti tamaluloka pi xlicana kalhakaxmatmakanit limapeksín pus nipara chatum tícu catikalhmaktáyah huata tuncán xlilhcacán pi camaknícalh. **29** Para chuná xcaakspulay huanti xtakalhakaxmatmakán xlimapeksín Moisés, ¿ni catziyátit pi atzinú lanca tapatín camininiy xli-huak amakolh huanti caj talactayamiy Quimpuchinacán Jesús y caj takamán talimaxtuy xkalhni huantü stajmákalh y limálulokli pi quincatatlahuán aktum xasasti talacaxlán, xahua ti tatalacataquiy xEspíritu Dios huanti luu quinca-paxquiyán? **30** Porque catziyáhu lácu huanit

Quimpuchinacán: “Aquit ccatziy lácu naccama-xokoniy cristianos, xáhuachí xmán aquit quiminiyi naccatlatahuay cuentaj.” Y lacatum chiné huamparay: “Quimpuchinacán catziy lácu nacatalatahuay taxokón huantí tahuán pi talipahuán.” ³¹ Xlicana pi luu lipécuánit naquitaxtuniy xlihuak huantí tahuacananchá nac xmacán Dios huantí lama xastacná!

Huantí tzucunit lipahuán Jesús ni catachokotáyah

³² Pero caj calacapóstáctit acxni Cristo camaxquín xtaxkáket y tzucútit lipahuanátit, ná acxni tuncán tzucún calakchinán lhuhua tapatín y taaklhúhuit, pero huixinín tayanítit y patítit xlihuak huantú calakchín. ³³ Masqui xlicana pi lhuhua mincompañeroscán lan camapaqtinícalh y camamaxanícalh antanícu tzamacán laqui nacalilakastanancán, pero makapitzín huixinín camaktayátit amakolh huantí xcampaqtinimácalh. ³⁴ Xlicana pi huixinín calakalhamántit amakolh cristianos huantí xcatacamacnucanit nac púlachin, y acxni casakamaklhticántit huantú xkalhiyátit xtapalh tumín huixinín paxuhuana mastátit, porque stalanca catziyátit pi nac akapún kalhiyátit huantú tlak xatlán y necxnicú laksputa. ³⁵ Huá xpalacata ccalihuaniyán pi necxnicú catablajuanítit huata chunatiyá calipahuántit huantú canajlayátit laqui tlan namaklhtinanátit huantú quincamalacnunicanitán. ³⁶ Xlicana pi acxni calakchinán talipuhuán o taaklhúhuit milikalhítcán licamama xáhua litlhueke

laqui namakantaxtiyátit xtapaxuhuán Dios y namaklhtinánátit huantú xlá mālacnuníit.

³⁷ Porque nac likalhtahuaka chiné huán:

Xlicana pi niaj makas quilhtamacú, niaj picutá catimakapálalh,

aya namín huantí xlimínit.

³⁸ Tamá huantí aquit clacsacnít naquiliipáhuán y naquimalacatzuhuiy,

para akstítum naquiliipáhuán xlicana pi nakalhiy latámat;

pero para niaj naquiliipáhuán

xlicana pi naquimakalipuhuán.

³⁹ Pero aquinín ni huá camacastalayáhu huantí tatachokotayay niaj talipáhuán Cristo porque caj talaktzankatayay, huata aquinín chunatiyá catziyáhu pi amanáhu lakmáxtuyáhu quilistacnicán porque akstítum lipáhuanáhu.

11

Masqui ni ucxilhm̄anáhu huantú lipáhuanáhu pero canajlayáhu

¹ Para xlicana kalhiyáhu tacanájlat pus tancs quilicajlatcán pi namaklhtinánáhu huantú kalhkhalhimánáhu; na luu lacatancs quilicatzitcán pi xlicana huí y lama amá huantú lipáhuanáhu masqui ni ucxilhm̄anáhu. ² Porque hasta xalakmakán quilitalakapasnicán, Dios calimáxtulh lactalipáhu cristianos caj xpalacata cumu talipáhua huantú xcāmalacnuníit.

³ Masqui xlicana pi aquinín ni ucxilhnítáhu acxní caj xlitlihueke xtachuhuín Dios calimálacatzúquih xlihuák huantú anán nac caquilhtamacú,

pero canajlayáhu pi chuná titlahuanit. Pus xlihuák huantú lanchú ucxilháhu Dios calimálace-tzuquinít huantú ni tasiyuy.

⁴ Caj xpápacata cumu Abel luu xlipáhuán Dios xlá lilakatáyalh xatamaakxtakajnínl xliakachix-cuhuín huantú atzinú xatlán ni xachuná huantú lilakachixcuhuínalh xtāCaín, Dios lakátilh xlilaka-chixcuhuín y límáxtulh talipáhu chixcú. Másqui xlícaná pi makán ninít Abel pero chunacú lichuhuínama tlán xtascújut huantú titlahuanit lata lácu lipáhuá Dios.

⁵ Nachunalitum amá xamakán chixcú xuanicán Enoc luu akstítum lipáhuá Dios huá xpápacata xastacná lilencalh nac akapún y ni nilh tuncán; y acxní tzucúcalh putzacán ni aj maclácalh porque aya xlénittá Dios. Y nac likalhtahuaka huan pi acxní xlamaajcú nac caquiltamacú, Dios luu lakátilh lata xlama Enoc. ⁶ Pero nipara chatum tícu tlán namakapaxuhuay Dios para ni lipáhuán, y xlihuák huantí laktalacatzuhuiputún Dios, xlaca-squinca púlh nacanajlay pi Dios lama xastacná y camaxquij lipaxúhu latamat xlihuák huantí taputzay y talipáhuán.

⁷ Nachunalitum amá xamakán quilhtamacú cumu Noé xlipáhuán Dios, acxní Dios macatzínilh huantú xámaj lay, másqui ninaj xtasiyyu huantú huanícalh xlá xcanajlay y tzúculh tlahuay amá lanca barco laqui tlán nacalakmáxtuy xlitalakapasni. Xahuachí caj xpápacata cumu Noé lipáhuá Dios y tláhuah huantú límapéksilh camalaktzánkelh xlihuák cristianos xala caquiltamacú porque ni tacanajlapútulh huantú xca-huanima, huata xlá tlán maklhtinalh xlaktáxtut

xlistacni huántu Dios camaxquiy huánti talipahuán.

Xamakán quilitalakapasnicán Abraham tancs lipáhua Dios

⁸ Nāchunálitúm caj xpälacata cumu Abraham xlipahuán Dios, acxní Dios tasánlh tachuhuínalh y huánilh pi catáçaxli caalh mákat antanícu xlá xámaj maxquiy aktum pulataman, xlá cañajlalh huántu huanícalh, lalihuán tzúculh tacaxa nac xcächiquín, huatiyá pi tzúculh tlahuán māsqui ni xcatziy xanícu luu xámaj chan. ⁹ Y nac amá pulataman huántu Dios xmālacnúninit nataiy antá xlá xlamachá cumu la chatum tijitlahua huánti caj xmakui. Pero cumu xlipahuán Dios paxuhuana pátih huántu antá xakspulama, y hasta tiputáhui lactzú chiqui huántu xcāliakstisekecán xmakxuhua borregos; nāchuná tatilatámalh Isaac y Jacob māsqui nā xcāmalacnúninit Dios pi huintú xámaj camaxquiy. ¹⁰ Pero Abraham necxnicú akatiyúj lalh huata xlá chunatiyá xucxilhacachama nincocxni luu nachán nac amá lanca talipahu cachiquín huántu necxnicú catiláclalh porque huá Dios xlaclhcāhuilnít y huá mān xtlahuanit.

¹¹ Nāchunálitúm amá Sara huánti xpuscat xuanit Abraham māsqui xlá aya tzicaná xuanit y nilay xkalhiy xcamán, xahuachí Abraham luu aya koluxníñ xuanit, pero cumu lacxtum xtali-pahuán Dios tamaklhtínalh lítlihueke y takálhilh chatum xkahuasacán, xahuachí porque xtaca-najlay pi Dios huák namákantaxtiy huántu xlá xcāmalacnúninit. ¹² Māsqui luu koluxníñ xuanit

Abraham y niaj luu makas quilhtamacú xtilama pero tamakástaclí xkahuasacán huanchú tamá xlitalakapasni huánti lipecua lhúhuálh xtachuná cumu lá stacu xalac akapún y cumu lá muntzaya xalac pupunú huántu nilay pütlekekocán, chuná xlilhuhua huá xlitalakapasni.

¹³ Xlihuak amäkolh cristianos tánílh acxní Dios niaj xmäkantaxtiy huántu xcämalacnuninít; pero cumu xtalipahuán Dios xtacanajlay pi huák xámaj makantaxtiy huántu xcähuaninít, y caj lakamákat taucxilhlacáchalh y talipaxúhualh huántu xámaj kantaxtuy, porque xlacán stalanca tacätzilh pi uú nac caquilhtamacú caj xtitatxtumánalh cumu lá chäatum tijitlahua huánti catziy nícu chama. ¹⁴ Y huánti chuná talichuhuinanit xlacán lacatancs quincalimäakataksniyán pi chunacú titaputzamánalh xlacán amá pulatamán antanícu natata-makxteka canecxnicahuá quilhtamacú. ¹⁵ Porque para caj xmän huá cahuá taputzamánalh aktum púcuxtu cumu lá tu xtaakxtekmakanítanchá nac xcächiquincán xlícaña pi ni xatuhua xtitatáspitli antanícu xtaminítanchá, ¹⁶ pero xlacán xtaputzamánalh aktum tlak xatlán y lipaxúhu pulatamán, huá xtaucxilhlacachanit amá xasasti pulatamán xalac akapún. Huá xpälacata Dios nipara tzinú calimáxanán litayay pi huá xDioscán huánti talipahuán, xahuachí aya cäcaxtlahuaninít aktum xatlán y calipaxúhu cächiquín antanícu lacxtum nacatalatamay.

¹⁷ Xahuachí ná calacapastáctit, acxní Dios litzáksalh Abraham para xlícaña xlipahuán xlá cänáj-lalh y kalhakáxmatli huántu limapéksilh Dios y xámaj makniy xkahuasa laqui nalilakatayaninán;

xlá aktum xcatziy pi ámaj lilakachixcuuinán amá chustum xkahuasa huantí Dios chiné tilichuhuínalh: ¹⁸ “Caj xpápacata tamá minkahuasa huanicán Isaac lhuhua pímpat kalhiya militaxtlalakapasni.” ¹⁹ Chuná huama porque Abraham stalanca xcatziy pi Dios kalhiy lanca litlihueke laqui namácastacuaniy nin nac calinín, huá xpápacata límakamaklhtinampá xkahuasa cumulá a calacastacuánalh nac calinín, y aquinín tlán stalanca ucxilháhu pi caj xaliucxilhiyán xuanit huantú xámaj kantaxtuy.

²⁰ Nachunaliitum Isaac calimakalchuhuínih xlakahuasán Jacob xahua Esaú pi Dios lhuhua huantú xámaj camaxquiy chatunu porque xlá akstitum xlipahuán huantú xmálaçnúnicanit.

²¹ Nachunaliitum acxni kolunkolh Jacob y aya xnimajá chatunu chatunu calimakalchuhuínih xcamanán José pi lhuhua huantú Dios xámaj camaxquiy huantú natalilatamay, porque xlá akstitum xcanajlanit huantú xmálaçnúnicanit, y masqui xlitakalá taokxpáquilh tíjaxli xquincán xlíxtok y lakachixcúhuilh Dios.

²² Nachunaliitum acxni aya xnimajá José cumu xlá tancs xlipahuán Dios macatzinícalh pi amakolh israelitas huantí xlá xlitalakapasni, pus xmima quilhtamacú y juerza xtaamánalh tataxtuyachá nac xacachiquín Egipto, xahuachí hasta makxtektáquilh tachuhuín laqui antá namácnucán xtiyatlihua antanícu xlá xtapeksiy.

Moisés na akstitum lipahuanit Dios

²³ Nachunaliitum amá makán quilhtamacú acxni tilacáchilh Moisés, xtlat chu xtzí tamátkeli

aktutu papá porque taúcxilhli pi luu lilakátit kahuasa y porque xtalipahuán Dios, xáhuachí tancs xtacatziy pí xlá huák natamákantaxtiy nac xlatámát amá kahuasa huantu xcámalacnuninít, y māsqui rey Faraón xlimapeksinanit pi cacamaknícalh xlihuák lactzu lakskatán israelitas, xlacán nipara tzinú talipécualh huata chunatiyá talipáhua Dios.

²⁴ Xáhuachí acxní Moisés chixcuhuílalh cumu xlá ná luu akstítum xlipahuán Dios xlá ni matlántílh nalitapacuhuiy xtánat rey, porque huá xtzumat rey xmakastacnít, ²⁵ huata tlán tláhuah acxtum naán catapatiy xlihuák huantu xcalimápatinícán amákolh cristianos huantí Dios xcalacsacnít nacalakmaxtuy y ni matlántílh naán makpaxuhuay nac xlakstípancán huantí luu lactalipahu y ná namaktlahuay talakalhín huantu nalipaxuhuay. ²⁶ Xlá atzinú talipáhu maklhcatzílh porque matlántílh lacxtum nacatapatiy amákolh huantí Dios xcalacsacnít māsqui xlicana pi ni xcaucxilhputuncán, xlá chuná tláhuah porque xucxilhacacháma huantu tlak lanca xtapalh xamácalh maxquicán nac xlacatín Dios y ni huá lakatilácalh amá tú xtapalh tumín huantu xmaxquicán nac xacachiquín Egipto.

²⁷ Cumu Moisés xlipahuán Dios y xcánaílay huantu xlá xcámalacnuninít xcamanán, xlá ni akatiyuj lalh huata tácaxli y táxtulh nac Egipto y ni huá cuentaj tláhuah para nalisitziy rey Faraón xpápacata huantu xtlahuama, huata xlá aktum xcatziy namákantaxtiy huantu xmatzquinít, porque ahuayu lámpara xucxilhma Dios huantí lama xastacná. ²⁸ Xáhuachí cumu Moisés

cañájlalh huántu huánih Dios xlá máknílh tantum borrego lilakachixcúhuilh y xkalhni calipuxmánih xamálacchi xchiccán israelitas, porque amá tzisní Dios macámilh chatum ángel huánti nacamakniy xanapuxcun camán huánti xtahui-lánlalh nac Egipto, pero antanícu xcalipaxicanit kalhni málacchi caj chunatá titum titáxtulh tjak-spuntzalalh amá ángel, y amá tzisní tamatzúquilh xpaxcuajcán israelitas huántu huanicán paxcua xla taakskspuntzalín.

²⁹ Nachunalitum acxni israelitas tataxtuchá nac xacachiquín Egipto acxtum tacanájlalh huantu Dios cahuánih y huák talipáhualh, huá xpalacata tlán talipatácutli amá lanca pupunú huanicán Mar Rojo cascahuahua cumu lámpara nitu xuanit chúchut, pero caj lipuntzú egipcios ná xtapatácut-putún antá xlacán putum tajicsuakolh.

³⁰ Xáhuachí para caj nalacapastacáhu acxni israelitas talitamakstílh aktujún quilhtamacú xacachiquín Jericó, cumu xtalipahuán Dios y xta-canajlay huantu xcamalacnuninit xlicana pi amá pátzaps huantu xlistilihuilicanit cachiquín sac-stucán tatakpúspitli. ³¹ Y amá puscat huanti luu xalakahuiti xuanit porque huatiyá chuná xlapulay xuanicán Rahab, acxni amakolh lacchixcu-huín israelitas xtaanit taucxilhuilinán nac xcachiquín, pero cumu caucxilhcanchá tzúcuh tatzalay y Rahab camaktáyalh y camátekli nac xchic; huá xpalacata acxni Dios camapatnílh y camaspútulh cristianos xalac Jericó porque ni xtalhakax-matputún, Rahab nitu akspúlalh kálhilh laktáxtut porque ná lipáhua Dios y huá xpalacata calimak-táyalh israelitas.

Lhuhua cristianos huanti luu akstítum tatilipáhuani Dios

³² Pero ¿túcuajyá tachuhuín nacticahuaniyán? Quintzankaníy quilhtamacú para naclichuhuijnán Gedeón, Barac, Sansón, Jefté, rey David, profeta Samuel, xahua lhuhua makapitzín profetas.

³³ Caj xpalacata cumu xtalipáhuán Dios y cumu akstítum xtacanajlay huantü xcáhuaninít xlícaná pi takálhilh litlihueke nataakchipay atúnuj pulataman, y akstítum tahuililh xlímapeksincán, tamakamaklhtinalh huantü Dios xcámalacnuninít nacamaxquiy, y acxni xcalakmajucán leones laqui nacahuacán, cumu xtalipáhuán Dios pus njitu xcatlahuaniy. ³⁴ Y acxni xcalhcuyuputuncán xcatamacpucán nac lanca lhcuyat, pero xlacán xtamamixiy, y maklhuhua taliputáxtulh acxni xcalimaknijputuncán espada, masqui ni lactalipáhu xtahuanit pero takálhilh litlihueke y tatayánilh nac guerra y maklhuhua taputlakatzálilh amakolh xala mákat cristianos huanti xtatalámaknímánalh nac guerra. ³⁵ Xáhuachí cumu akstítum xtalipáhuán makapitzín lacchaján huanti aya xcámkñinicanít xlitalakapasnicán pero talacastacuánalh nac calinín.

Y hasta makapitzín cristianos tlán tatláhualh cacamaknícalh antanícu xcámapatinimácalh y ni talacásquilh nacamakxtékán, porque xtacatziy pi acxni natalacastacuanán nac calinín atzinú calipaxúhu antanícu natachán. ³⁶ Makapitzín tapaxcátlel masqui lhuhua huantü calimama-xanícalh, calikamanáncalh, cakesnókcalh, calichihiuilícalh cadenas y catamacnúcalh nac pula-

chin. ³⁷ Nachunalitúm lhuhua huantí caliactalamaknícalh chíhuix, makapitzín ítat calilacchucutúcxcalh sierra, huintí calimaknícalh espada, lhuhua huantú tatipátilh; makapitzín chalipuhuana xtalapulay porque luu laklimaxkenín xta-huanít y lacatum lacatum xtaán tamaktahuilay, caj xmán huá xtalihakanán xmakxuhua borrego y xla chivos. ³⁸ Umakólh koxutanín cristianos huantí nipara tzinú xcamininiy natalatamay y natataatalakxtumiy cristianos xala eé caqUILhtamacú, xlacán ankaliñiná caj xtatzalapulay latachá nícu, nac desierto, nac calancaquihuín, y na xtata-tzeka latachá nícu xtamaclay laclanca lhucu.

³⁹ Måsqui xlacán luu lactalipahu lacchixcuahuín talitáxtulh caj xpalacata cumu luu akstítum talipáhualh Dios pero nipara chatum tícu maklhtí-nalh huantú Dios xcámalacnúninit nacamaxquiy. ⁴⁰ Huá chuná lítláhualh Dios porque aya xquin-capastaclacamímán aquinín, y la aquinín cumu la xlacán acxtum namaklhtinanáhu amá lanca tapaxuhuán y laktáxtut huantú xlá malacnúnit.

12

Caj xmánhuá calipahuáhu y caucxilhlacacháhu Jesús

¹ Pus cumu chú aya calakapasáhu lhuhua cristianos huantí luu lactalipahu talitáxtulh caj xpalacata cumu akstítum talipáhualh Dios pus aquinín quincaminiñiyán pi ná calakmakáhu xlíhuák huantú ni quincamaktayayán y amá lixcájnit talakalhín huantú quincasakaliyán, huata akstítum cakosnúhu nac amá tiji antanícu

quilitlahuanatcancú caj lata lipahuanáhu Dios.
2 Huata xm̄an huá caucxilhacacháhu Jesú
 huánti quincalacsacnítán laqui nalipahuanáhu,
 xahuachí huá matlihuēklha quintacanajlatcán.
 Porque xlá tlān tláhuālh acxní mapatinícalh
 y maknícalh nac cruz, y ní huá cuentaj tláhuālh
 para luu lanca limaxaná huantū xtlahuanimácalh
 porque xlá stalanca xcatziy pi acalistán xámaj
 kalhiy lanca tapaxuhuán, y xlicana pi chū antá
 huiachá nac xpaxtún Dios tamapeksima.

3 Calacapastáctit lata Jesú pátih nac xlaca-
 tincán amakolh maklākalhinanín lacchixcuahuín
 huantū tamapatiñilh, por eso ccalihuaniyán pi
 camacastalátit, ní calitlakuántit y ní cataxlaj-
 uanítit lata lipahuanátit. **4** Porque huixinín niā
 calimaknicanátit caj xpālacata cumu talālacata-
 quipátit talākálhín. **5** ¿Lácu pi niāj catziyátit
 osuchí aya pātzankátit lácu Dios cāmākalhchu-
 huiniy xcamanán huánti talipahuán cumu lá hui-
 xinín? Porque nac līkalhtahuaka lacatum chiné
 huan:

Huix quinkahuasa, ní caj cakalhakaxpatmákanti
 huantū limākalhchuhuiniyán Mimpuchina
 Dios acxní laclatayápat nac milatámat,
 nā nipara calilipúhuanti acxní lacaquilhniyán.

6 Porque Mimpuchiná Dios cāmatancsaputún xli-
 huāk huánti xlá capaxquiy,
 y hasta camapatiniy laqui natamatancsay xlata-
 matcán huánti xlá calimaxtuy xcamanán.

7 Huá xpālacata ccalihuaniyán pi capatítit
 xlihuāk tapatín huantū calakchinán porque
 Dios cāucxilhputunán para xlicana lipahuanátit,
 y para natayaniyátit Dios nacalimaxtuyán

xcamanán. Porque ¿nícu huí chatum kolutzín y para tahuilánalh xcamán ni juerza nacalacaquilhný laquí natatlahuay huantú nacalimapeksiy? ⁸ Pero para Dios ni camapatiniyán acxni laclatahayapátit nac milatamatcán cumu la catlahuay xcamanán, entonces ni calimaxtuyán cumu la xaxlicana xcamanán, huata calimaxtuyán cumu la amakolh cristianos huanti ni talakapasa xatícu luu xtlatcán. ⁹ Xáhuachí acxni aquinín cajcu lactzu camán xuanítáhu, quinatlátnicán uú xala caquilhtamacú xquincamapeksiyán y xquincalacaquilhnýiyán acxni para túcu xlilaclatahayaputunáhu, y aquinín xcacacninaníyáhu. ¿Ni lacpuhuanátit pi atzinú quincamininiyán nakalhakaxmatáhu y nacacninaníyáhu amá Quintlāticán Dios huanti huilachá nac akapún laquí chuná tlán nakalhiyáhu amá akstítum latámat huantú quincamaxqui putunán? ¹⁰ Amakolh quinatlátnicán uú xala caquilhtamacú caj xmán huá xquincalimakalhchuhuiníyán y xquincalimapeksiyán lácu quililatamatcán uú nac caquilhtamacú chuná la xlacán tlak tlán xtalacpuhuán, masqui ni luu makás xminitáhu latamayáhu, pero Dios quincalima-kalhchuhuiníyán y quincamapeksiyán xlacata canécxnicahuá nalatamayáhu, y nachuná nakalhiyáhu xatlán talacapastacni cumu la xlá kalhiy. ¹¹ Cumu la catziyátit pi acxni huí tú quincaliquilhnicanán o quincalimapeatinicanán xlicana pi nipara tzinú tlán tamaklhcatziy, lilipuhuanáhu porque maklhcatziyáhu pi

quincacatzaniyán, pero para matlantiyáhu caquincäquilhnícán porque xlílat huantu quincähuanimacán entonces acalistán catziyáhu pi quincälímacuaniyán nac quilatamátcán.

Huantí lāmkakán xtachuhuín Dios napatínán

12 Pus lanchú aquit ccähuaniyán pi cacamatlihuéklhtit mimacancán para aya tatlakuanít, xahua milaktzokosnicán para taxlajuanamánalh, **13** y caputzátit xastatua xtiji Dios laqui huá nalactlahuanátit y nastatuanán milatamátcán laqui ni líhuaca natalhkahuiy y nalaclatahayayátit.

14 Ankalhiná lipaxúhu y akstítum cacatalata-pátit latachá tícuya cristianos y xlíhuak minacujcán caliscújtit Dios, porque huanti ni akstítum lema xtalacapastacni xahua xlatámat nac xlatatín Dios xlícaña pi nilay catiúcxilhli Quimpuchinacán. **15** Acxtum calamaktayátit laqui niți caj nalakmakán acxní Dios huintí namak-tayaputún nac xlatámat, porque ni clacasquín para tícu nalitaxtuy nac milakstípancán cumu la akatum xun palhma huantu staca y cama-lakahuitiy cristianos huanti tamaclacasquimputún. **16** Nipara chatum la huixinín caxakátlilh túnuj puscat para huí mimpuscatcán, na nipara calak-makántit xlíhuak huantu Dios calipulhcanjítán nacamaxquiyán cumu la xamakán quilhtamacú titláhuálh Esaú, porque xlá caj tutum pulatu tahuá limacamástalh xlíhuak huantu xlakchán nachipay xherencia cumu huá xapuxcu kahuasa xuanít. **17** Y cumu la catziyátit pi acalistán

acxní Esaú laktalacatzúhuílh xtlat porque xlacas-quín pi casiculanatlahuapá y calimakalchuhuínlh huantú Dios xmá lacnúninit namáxquiy, pero xtlat lakmáka, y masqui lan lakatásalh caj xpalcata huantú xtlahuanit xlá ni matzankenánlh.

Aquinín ni caj chapecua malacatzuhuiyáhu Dios

¹⁸ Huixinín ni caj chapecua malacatzuhuijítatítl Dios cumu lá amakolh júdios xamakán quilhtamacú acxní tatalacatzúhuílh nac amá kestín huanicán Sinaí huantú huak taúcxilhli. Ná nitú huí huantú camakeklhamán cumu lá amá lanca lhcuyát huantú xlacán xtaucxilmánlh pi xpasama nac xokspún sipi xahua antanícu luu capucsua xuanit, ná nitú ucxilhpátit amá lanca y lipecuánit unilasén huantú antá tamacatatáhui nac sipi. ¹⁹ Y ná nitú kaxpatpátit amá trompeta huantú antá matasícalh, nipara huá kaxpatpátit lata lácú xlipixchálanca Dios y lipecuánit acxní xlá chuhuínalh cumu lá xlacán takáxmatli, y xlihuak amakolh cristianos huanti takáxmatli lan tapecualh, tzúculh talhpipiy y talimaakatzánkelh Dios xlacata pi niaj cacaxakátlilh, ²⁰ porque lan tapecuáxnih acxní takáxmatli huantú Dios chiné limapeksinalh: “Xlihuak huanti natalacatzuhuiy y natatutay nac umá kestín, masqui caj catuhua takalhín, caliactalamaknítit chíhuix o calilakxtokótít lanza.” ²¹ Luu xlicana pi lanca lipecuánit xuanit lata tu xmásiyuy Dios porque hasta Moisés xtapecua chiná huá: “Hasta clhipipixníma caj lata cpécuama.”

²² Pero tlak tlán huantú huixinín caquitaxtunimán porque talacatzuhuijítatítl nac amá

kestín huanicán Sión, huixinín aya stalanca ucxilhnítatíit nac akapún amá xcächiquín xastacná Dios, nac xasásti Jerusalén xalac akapún antanícu tahuilánalh lhuhua ángeles huánti talakachixcuhuiy Dios. ²³ Huixinín ná caucxilhnítatíit xlihuák amakolh huánti pütum talakachixcuhuiy Dios xahua amakolh huánti Dios luu pulh calacsacnít xcamanán natahuán, nachuná xlistacnicán amakolh lacuán cristianos huánti aya tatzoktahuilanítanchá xtacuhuinicán nac akapún, huixinín malacatzuhuinitatíit lanca talipahu Dios huanti nacatatlahuay taxokón xlihuák cristianos huantu anán. ²⁴ Ná malacatzuhuinitatíit Jesús xahua xkalhni huantu quincalilacxacanikonítán xlihuák quintaláka-lhincán, y caj huá xpälacata Dios quincatatlahuán aktum xasásti talacaxlán antanícu maluloka pi aya quincamatzankenanonikónitán, porque amá xkalhni Jesús huantu xlá stajmákalh atzinú tlak xatlán ni xachuná amá xkalhni Abel huantu ná xlá stajmákalh, porque nítí lilakmáxtúnih xlistaci.

²⁵ Huá xpälacata ccálihuaniyán pi luu cuen-taj catlahuátit nítu tilakmakanátit huánti quin-catasanimán, porque xlihuák amakolh xalak-makán cristianos huánti Dios uú nac caquiltamacú xcátasanima y xcamalacnúnima amá laktáxtut huantu xcámaxquiputún, pero mäsqui chuná cahuanícalh xlacán caj talakmáka y ni taliputáxtulh sinoque cámataqatínícalh; pus xali-huaca aquinín nilay caquinticatapaticán para caj xmán kalhakaxmatmakanáhu Dios acxní quin-caxakatlilacamimachán nac akapún laqui naca-

najlayáhu huántu quincamalacnuniyán. ²⁶ Amá xamakán quilhtamacú acxní Dios chuhuínalh y mástalh xlimapeksín xlícaná pi hasta tachiquikolh tíyat, pero chú xlá chiné huan: “Amaj lackchán quilhtamacú acxní ni caj xman huá xlícaná catiyatni catitachíquih sinoque ná huák natachiquikoy akapún.” ²⁷ Acxní huan Dios pi “nalakchán quilhtamacú”, antá lacatancs huamputún pi acxní nalakchán amá quilhtamacú acxní huák nasputcán maktum nacalactlahuakocán xlíhuák huántu tlán laksputa, huántu man malacatzuquinit laqui caj xman huá natamakxteka huántu necxnicú catiláksputli y huántu ni tasa-kaliy. ²⁸ Pero amá xtapéksít Dios huántu xlá quincamaxquiyán xlícaná pi nilay catiláksputli, caj huá umá xpápacata calipaxcatcatziníhu Dios huántu xlá tlahuaniit, y xlíhuák quinacujcán calilakachixcuahuíhu huántu xlá lakatiy, canecxnicahuá cacacninaníhu. ²⁹ Porque tamá Quintlaticán Dios xtachuná lítaxtuy cumu lá lanca lhcuyat huántu huák tlán lhcuyuy y lactlahuakoy latachá túcu anán.

13

Lácu lacasquín Dios nalatamayáhu laquí namakapaxuhuayáhu

¹ Necxnicú catamakxtekñítit nalapaxquiyátit cumu lá linatalán. ² Xahuachí luu lipaxúhu cacamakamaklhtinántit xlíhuák huanti xala mákat calakapaxialhnánán nac minchiccán porque chuná makapitzín cristianos huanti nipara tzinú tacatziy aya tamalaktuncuhuiñit nac xchiccán xágeles Dios.

3 Huixinín ankalhíná cacälacapastáctit y cacalakapaxialhnántit amäkolh tachín huantí cätamacnuçanít nac pulachin, hasta camaklhcatzítit cumu lámpara lacxtum cäatanupátit nac pulachin, xahuachí cacamaktayátit huantí läná ticamapatinicanít porque ni catziyáhu para ni xamaktum huixinín nachuná nacamapatinicanátit.

4 Xlihuák huantí makaxtokátit, huantu akstítum calatapátit y nitú timäxcajualiyátit milatamätcán porque Dios nacamapatiniy xlihuák amäkolh huantí taxakatliy atúnij cristianos mäsqui aya tamakaxtoka, nachuná xlihuák huantí caj xman talipaxuhuñaatlahuán huantu takalhiy nac xmacni.

5 Xahuachí ni caj xman huá calakatilacapítit nakalhiyátit lhühua tumín, huata capaxcatlipítit cañacaj actzú huantu kalhiyátit, porque Dios chiné huanít: “Aquit necessità cactiakxtekmakán, na nipara caj chunatá camán lilakastanánán sinoque nacmaktayayán.” **6** Pus niaj tu akatiyuj caliláhu huata quincaminiñiyán pi luu lipaxúhu chiné nahuanáhu:

Quimpuchinacán Dios ankalhíná quimaktayama,
huá xpälacata nitú clipecuán,

porque ¿tícu cahuá naquintatlahuaníy cristianos?

7 Ankalhíná cacälacapastáctit y cacapaxcatcatzinítit amäkolh cristianos huantí luu pulh caliakchuhuinaninitán xtachuhuín Dios y akstítum capulalenitán nac milatamätcán. Pus huá caucxilhlacachipítit lácu akstítum talipáhualh Dios y necessità talakachánih, nachuná cacamacastalátit laña lácu xlacán tatilatámálh y lácu xtalipáhuán Quimpuchinacán.

⁸ Tancs cacatzítit pi Jesucristo necxnicú ámaj talakpalíy, huatiyá xuanít kótán, huatiyá ná lanchú, y huatiyá nahuán canecxnicahuá quilhtamacú. ⁹ Luu cuentaj catlahuátit njitu tilitaakskahuitapayátit atúnuj talacapastacni huantú nacahuanicanátit pi huá luu atzinú milimákantaxtítcán para xlicana makapaxuhuaputunátit Dios, huata caj xman huá calipahuántit xtapáxquit Dios, calimakxtéktit pi huá calitatlíhueklhli minacujcán, y niaj huá camákantaxtíputútít huantú huancán pi “ni nahuayátit tamá tahuá”, o latachá túcuya caj tasmanín, porque xlihuák tamákolh tasmanín necxnicú luu limacuanít.

¹⁰ Aquinín kalhiyáhu aktum tlak xatlán lilakachixcuhuín huantú lilakatayaninanáhu nac altar y huá amá xlicana pi ni xcurajcán judíos huanti camininiy natalihuayán amákolh xcurajcán judíos huanti xlacán chunacú talilakatayaninaná amákolh lilakachixcuhuín huantú hasta xamakán quilhtamacú tzucucanít lilakatayaninanancán nac amá xapulh pusiculan xla lhákat. ¹¹ Cumu la huixinín catziyátit pi acxní xapuxcu cura xtanuyachá nac amá xlipulactiy chiqui huanicán Lugar Santísimo antanícu huí Dios nac pusiculan, xlá xlen xkalhnicán lactzu takalhín huantu xcamaknicán laquí nalilakachixcuhuinancán xpälacata xtalakalhincán cristianos, pero xtiyatlíhua amákolh takalhín xancán calhcuyucán nac xquilhapán cachiquín. ¹² Pus nachuná quítaxtúnih Jesús, porque mákat léncalh nac xquilhapán cachiquín antanícu maknícalh

y stajmákalh xkalhni laqui naquincali-lacxacaniyán xlíhuak quintalákalhíncán y chuná quincamatzankenanín Dios. ¹³ Huá xpälacata aquit ccalihuaniyán pi calakáhu Jesú斯 nac xquilhapán cachiquín laqui antá lacxtum natapatiyáhu xlíhuak huantú xlá patinit y limamaxanicanit. ¹⁴ Porque uú nac caquilhtamacú ni kalhiyáhu aktum cachiquín huantú huij nahuán canecxnicahuá quilhtamacú, huata caj titaxtumañáhu cumu la tijitlahua y ucxilhlacachamañáhu amá lanca cachiquín antanícu amañáhu tahuilayacháhu acalistán. ¹⁵ Huá xpälacata ccalihuaniyán pi ankalhiná calakachixcuhuíhu Dios caj xpälacata Jesucristo, huá umá xatamäakxtakajnín quililakachixcu-huincán huantú aquinín quililakatayaninatcán xlíankalhiná quilhtamacú. ¹⁶ Necxnicú tipatzankayátit natluhuayátit huantú lacuán tascújut, y acxtum cacalimaktayátit acatzunín huantú huixinín kalhiyátit amäkolh cristianos huanti nitú takalhiy xmaclacasquinitcán, porque xlícaña pi Dios luu lakați y calipaxuhuay huanti chuná talilakachixcuhiy.

¹⁷ Aquit ccahuaniyán pi huak cacakalhakax-páttit huantú calimapeksiyán tamäkolh cristianos huanti capuxculemán, porque xlacán xchaliyán cuentaj catlahuanitán, cumu stalanca tacatziy pi Dios nacatalahuay cuentaj caj xpälacata xtascujutcán. Pus huantú lipaxúhu cacakalhakaxpáttit y ni caj cacatalahuaniyt; para caj nacatalahuani-yátit nacamakalipuhuanátit, xahuachí luu nitlán caticaquitaxtunín porque nitú caticalimacuanín.

18 Ccalimakatzankeyán pi cakalhtahuakanítit Dios quimpalacatacán, māsqui xlícaná pi niṭu ctlahuamanáhu huantú nalilaclatayay quintala-capastacnicán huata cahuanítit Dios pi caquinca-maxquín litlihueke laqui ankalhíná akstítum nascujáhu nac xlacatincán latachá tícuya cristianos.
19 Xahuachí clacasquín pi cakalhtahuakanítit Dios laqui nipara makás quilhtamacú aquit ccatahui-laparachín nahuán uú nac mincachiquincán.

Ahuatá caxakatlilacancán cristianos ti talipahuán Cristo

20 Aquit ckalhtahuakaniy Dios huantí mastay lipaxúhu latámát y malacastacuaninít nac calinín Jesucristo huantí luu xaxlicana lanca talipahu quimaktakalhnacán aquinín huantí litaxtuyáhu xborregos, caj xpamacata xkalhni huantú stajmá-kalh tancs límalúlokli pi Dios quincatatlahuánitán aktum xasasti talacaxlán huantú canecxnicahuá quilhtamacú tayanímaj nahuán. **21** Aquit clacasquín pi Dios cacamaxquín litlihueke laqui anka-lhíná natluhauyátit huantú lacuán tascujut y akstítum nalatapayátit laqui chuná natluhauyátit huantú xlá lakatiy; y para xlá chuná lacasquín pus calitláhuah quimacnicán lata túcu lakatiy caj xpamacata cumu lipahuanáhu Jesucristo. ¡Canecxnicahuá calakachixcuhuícalh Cristo! Chuná calalh, amén.

22 Natalán, aquit clacasquín y ccalimakatzankeyán pi lipaxúhu camakamaklhtinántit y cali-kalhtahuakátit umá carta huantú ccatzoknimán porque ccatziy pi naccalimakpuhuantiyaniyán māsqui xlícaná pi ni luu lhuhua tachuhuín. **23** Ná

clacasquín nacatziyátit pi tamá quintalacán Timoteo aya laktáxtulh nac pulachín; para pála naquilackín pus acxtum nactaanachá acxni nacanachán calakapaxialhnánán.

²⁴ Lipaxúhu caquilemacatiyanicháhu xlihuák tamakolh natalán huantí capuxculémán y calimakalchuhuiniyán xtachuhuín Dios xlihuák huixinín huantí tapeksiniyátit y lipahuanátit Dios. Nachuná umakolh natalán huantí talamáñalh uú nac Italia ná luu lipaxúhu caxakatlilacámachán.

²⁵ Xlihuák huixinín natalán, Dios cacásiculanatlahuán.

**Xasasti talacaxlan
New Testament in Totonac, Coyutla (MX:toc:Totonac,
Coyutla)**

copyright © 2006 Wycliffe Bible Translators, Inc.

Language: Totonac, Coyutla

Translation by: Wycliffe Bible Translators, Inc.

Totonaco, Coyutla [toc], Mexico

Copyright Information

© 2006, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Totonac, Coyutla

© 2006, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

88b96e23-f7a2-5cc8-864a-fdcd6f0686f4